

臨證指南醫案

臨證指南醫案目

卷三

遺精

淋濁

陽痿

汗

脫

脾胃

木乘土

腫脹

[illegible]

臨證指南醫案卷三

許關李大瞻翰圃

古吳葉桂天士先生著 錫山華南田岫雲同較

邵銘新甫

遺精

陰虛陽動

陳厥後吸短多遺議攝下焦

熟地 四錢

桑螵蛸 二錢

覆盆子 一錢

五味 一錢

湖蓮 三錢

芡實 二錢

茯神 三錢

山藥 二錢

某十四夢遺精濁煩勞即發三載不痊腎臟精氣已虧相火

易動無制。故精不能固。由煩動而泄。當填補下焦。使精充陽潛。可以圖愈。

熟地 八兩 麥冬 二兩 茯神 二兩 五味 二兩

線膠 四兩 川斛膏 四兩 沙苑 二兩 遠志 一兩

芡實 三兩 湖蓮 三兩 金櫻膏丸

馬二陰虛體質。常有夢泄之疾。養陰佐以潛劑。仍參入通藥可效。六味去丹澤。加湖蓮芡實五味遠志秋石。

金櫻膏丸

張陰精走泄。陽失依附。上冒為熱。坎水中陽不藏。古人必以厚味填之。介類潛之。乃從陰以引陽。與今人見

投涼不同

熟地

龜甲

淡菜

青鹽

茯神

柏子仁

女貞子

山藥

旱蓮草

某二脉左弦右濡夢遺咳逆氣急

熟地

麥冬

萸肉

五味

牡蠣

茯神

女貞子

山藥

湖蓮

川斛膏

芡實

金櫻膏

加蜜丸每服四五錢淡鹽湯下

楊

脉垂入尺有夢遺精議填陰攝固其下

熟地

萸肉

五味

山藥

茯神

覆盆子

遠志

綠膠

湖蓮

芡實

金櫻膏丸鹽湯下

劉先患目疾流淚。嘈雜不欲食。內鬱勃。陽氣過動。陰虛不主攝納。春半連次遺泄。腰脊酸楚。皆肝腎病矣。

熟地

龍骨

萸肉

茯神

丹皮

湖蓮

芡實

遠志

某勞損漏瀉。大便時澹。陰火上升。下則遺滑。

熟地

龜版

芡實

山藥

女貞

建連

炙草

稽豆皮

某少年頻頻遺精。不寐心嘈。乃屬腎中有火。精得熱而妄行。日後恐有腎消之累。

焦黃栢

生地

天冬

茯苓

煨牡蠣

炒山藥

某

脉虛色白。陡然大瘦。平昔形神皆勞。冬至初陽動精。

搖下泄。加以夜坐不靜。暮寒再折其陽。身不發熱。時

時驚惕煩躁。從仲景亡陽內關例。用救逆湯法。必得神

氣凝靜。不致昏瘡痰癡之變。救逆湯去芍。

賈 色蒼脉數。煩心則遺。陽火下降。陰虛不攝。有濕熱下

注。此固濟無功。

草薢

黃栢

川連

遠志

茯苓

澤瀉

桔梗

薏仁



吳二病形在腎肝。但得瀉頭中痛微緩。少腹陰囊亦脹。想陰分因虛。而濕熱留著。致腑經之氣無以承流。宜化理。固有諸先泄厥陰鬱熱。兼通腑氣再議。

龍胆草

胡黃連

草薢

丹皮

茯苓

澤瀉

又。問病原。是臟陰陰精之虧。致陽浮頭痛。兼有遺精。月數發。下虛上實。純以補瀉。決不應病。性不耐丸劑。與通攝兩用。

龜版

秋石

熟地

女貞

遠志

芡實

湖蓮

茯苓

熬膏

錢二脉右弦左垂陰虛濕熱遺精滑

黃柏

知母

熟地

草薢

茯苓

遠志

蜜丸

某夢遺病乃是陰氣走泄而濕熱二氣乘虛下陷墜自

腰中至囊環跳膝蓋諸處可見久遺八脉皆傷議用通

藥兼理陰氣猪苓湯

又熟地

五味

芡實

茯苓

湖蓮

山藥

宋三無夢頻頻遺精乃精竅已滑古人謂有夢治心無夢

治腎腎陰久損陽升無制喉中貯痰不清皆五液所化

下損及  
中兼治  
脾胃

胃納少而運遲。因下必佐健中。

人參

桑螵蛸

生龍骨

鎮陽

芡實

熟地

茯神

遠志

金櫻膏丸

華二神傷於上。精敗於下。心腎不交。久傷精氣。不復調之。

損內經治五臟之損。治各不同。越人有上損從陽。下損

從陰之議。然必納穀資生。脾胃後天得振。始望精氣生

於穀食。自上秋至今日甚。乃裏真無藏。當春令泄。越生

氣不至。漸欲離散。從來精血有形。藥餌焉能驟然充長。

攻病方法。都主客邪。以偏治偏。閱古東垣丹溪輩於損

不肯復者。首宜大進參朮。多至數觔。謂有形精血難生。

無形元氣須急固耳。况上下交損。當治其中。若得中。則  
加穀。繼黍入攝納。填精斂神之屬。方今春木大泄。萬花  
盡放。人身應之。此一月中。急挽勿懈矣。

參朮膏米飲調送

接進寇氏桑螵蛸散去當歸

此寧神固精。收斂散亡。乃潛以治脫之法。

又半月來。服桑螵蛸散以固下。參朮膏以益中。遺精自  
止。其下關頗有收攝之機。獨是晝夜將寢。心中諸事紛  
紛來擾。神傷散越。最難斂聚。且思慮積勞。心脾營血暗  
損。血不內涵。神乃孤獨。議用嚴氏濟生歸脾方。使他臟

真氣咸歸於脾。今夏前出。旺司令。把握後天。於理最合。  
歸脾湯

又立夏四日。診左脉自至餘。頗有斂聚之意。右關及尺。  
其動若革。按臍下過寸。動氣似若芽梭。此關元內空。衝  
脉失養。而震躍不息。此女子胞胎。男子聚精之會也。大  
凡內損精血形氣。其胃旺納食者。務在滋填。今食減不  
納。假寐片晌。必煩驚惕。醒而汗自述。五心熱熾。四肢骨  
節熱痿如墮。明是陰精內枯。致陽不交陰。髓枯精涸。自  
下及中至上。前投桑螵蛸散。固瀉精氣。遺滑經月不來。  
奈寢食不加。後天生氣不醒。膿厚填補於理難進。即參

木甘溫益氣。又恐益其枯燥。宜參生脉以滋三焦。晨進人乳一杯。使氣血陰陽引之導之。迎夏至一陰來復。早用人乳一盞。隔湯燉熱服。午後晷饑。用生脉四君子湯。又一月來。雖經反覆。參脉症形色。生陽頗有根蒂。近食蚕豆滯氣。腹中微膨。食後口味酸濁。是久卧重着。脾陽運動之機尚少。而火升心煩。動氣汗出遺精。雖減於昔。未得不復。總是內損已深。若訓治合宜。只要精氣復得一分。便減一分病象。長夏脾胃主令。培土助納爲要。而精氣散越。仍兼攝固之法。刻下味酸微膨。補脾少佐陳胃宜晚進。其早上另製補攝丸劑。益臟真以招納散失。

之氣。

方

人參

茯苓

白朮

炙草

廣皮

麥冬

五味

神麴

麥芽

炒黃柏

早上  
丸方

人參

桑螵蛸

白龍骨

淡荑蓉

五味

芡實

茯神

東仁

金箔

金櫻膏丸淡鹽湯送三四錢

又形色有漸復之象。較之夏至。病去三四。但診右脉弦大。尚少冲和。左脉細促未靜。穀進遲。有吞酸腹脹。寐中仍欲遺精。此中焦之陽宜動。則運下焦之陰。固則能守。乃一定成法。午後服。異功散加炒穀芽。

晨服 遺症固瀉下焦乃通套治法想精關已滑瀉劑不能取效必用滑藥引導同氣相求古法有諸

牛骨髓 羊骨髓 猪脊髓 麋角膠 白龍骨

生牡蠣 熟地 萸肉 茯神 五味

山藥 芡實 湖蓮 遠志 砂仁

膠髓代蜜丸晨服四錢秋石二分化水下

毛二六長夏暑濕熱鬱都令脾胃受傷色黃神倦氣分自餒

因有遺泄一症在盛年陰虛爲多及詢納食未爲強旺遺發必勞煩而來脉象非數搏議以養脾立法

歸脾去黃芪桂圓加益智龍骨



心腎兼治

項 脉左弱右弦。色黃食少。腹脹便溏。常有夢遺洩。此非

陰柔清膩可服。用煦陽以涵陰。

生兎絲子 覆盆子 蛇床子 五味子 韭子

益智仁 腰補骨脂 龍骨 建蓮粉丸

丁 陰精走泄。陽不內依。欲寐即醒。心動震悸。所謂氣因

精奪。當養精以固氣。從前緩藥不錯。但不分剛柔為偏

陽。是以見血。莫見血投涼。

龜版去脂劑 桑螵蛸殼 人參 一錢 當歸 一錢

青花龍骨三錢 抱木茯神三錢

姚二 於念萌不遂其慾。陽下墜而精洩。先夢者。心陽注

腎久則精血日損。不充養筋骨爲痛。下損及中。食不運化。此非更地膩膈。以及瀉精可效。妙香散。

許十八陰氣走泄遺精。務宜滋填塞固。今納穀少而不甘。胃氣既弱。滋膩先妨胃口。議用桑螵蛸散。蜜丸服三四錢。戈遺精數年。不但腎關不固。陽明脉絡亦已空乏。欲得病愈。宜戒慾寧心一年。寒暑更遷。陰陽漸交。用桑螵蛸散治之。

顧九十滑精。用陰藥頗然。食減。藥先傷胃。據述夢寐驚狂。精走無以護神。當固無形矣。

人參

生龍骨

桑螵蛸

益智仁

茯神

茯苓

遠志

木香

呂三有夢乃遺。是心有所觸而致。經營操持。皆擾神動心。說商賈客於外。非關酒色矣。妙香散。

俞三壯年形質偉然。脉來扎虛。述心悸怔。多畏懼。夜寐不甚寧靜。此陽不易交於陰。過用勞心使然。用妙香散。

張四形壯脉小。自述心力勞瘁。食減遺精。倣景岳精因氣而奪。當養氣以充精。理其無形以固有形。妙香散。

支二痰多鼻塞。能食。有夢遺精。醫投疎泄。肺氣消痰。六十劑不効。問讀書夜坐。陽氣必升。充塞上竅。上盛下衰。寐則陽直降而精下注。爲遺。用補心丹。

黃一其陰損傷。而五志中陽上燔。喉痛下墜。爲遺精。髓日耗。骨疼無力。必延枯槁而後已。藥餌何足久恃。

早服補心丹 晚服桑礪散

胡遺精四年。精關久滑不固。陰久傷。陽氣不入。陽蹇穴。夜寤不寐。前以鎮攝小效。獨心中怔悸不已。以桑礪散。散從心腎治。

畢二有夢遺精。是心腎病。清心固腎。是爲成法。得以水火交合。病當漸減。內傷病。從內起。豈得與外來六氣混治。

熟地

龍骨

遠志

玉珠

茯神

芡實

建蓮

金櫻膏洗

程 左脈剛堅火升神氣欲昏片刻平復宛若無病此皆勞心五志之陽動龍相輕動常有遺泄之狀先用滋腎丸三錢淡鹽湯送

又 早服補陰丸 晚服三才加妙黃柏砂仁

又 交霜降絡中陡然熱蒸肢節皆麻火風震動多因脾腎液枯謹用二至百補丸意斑龍一至百補丸加黃柏林十八診脈細滑脉則遺精心熱口渴不時寒熱此腎陰內損心陽暗熾 補心丹三錢四服

某 冬令煩倦嗽加是屬不藏陽少潛伏兩足心常冷平時先夢而遺由神馳致精散必鎮心以安神猶喜胃強

納穀若能保養可望漸愈

桑螵蛸

金櫻子

覆盆子

菟絲子

遠志

茯神

茯苓

龍骨

湖蓮

煎膏煉蜜收饑時服七八錢

楊八十年遺精知識太早難成易虧真陰不得充長及壯盛未有生育而久遺滑漏褚氏謂難狀之疾者蓋病傷可復精損難復也診脉上動尺亢心動神馳神馳精散草木性偏焉得見長務宜斷慾百日以妙香散桑螵蛸散方理心脾以交腎固腎氣以寧心早晚並進百日以驗之

不

呂二成婚太早。精血未滿久洩。必關鍵不攝。初則精腐變濁。久則元精滑溢。精濁之病。巢氏分晰彰著。經言腎虛氣漫爲張。鹹爲腎味。止溢口舌。皆下失攝納之權。

生兔絲子粉 蛇床子 覆盆子 陝沙苑子

家韭子 五味子 鯉魚膠丸

許九脉虛。應乎失血遺精。先天既薄。更易泄少。藏正褚氏所云。難狀之疾。冲年須潛心靜處。莫水火自交。可以精固。莫但圖藥餌。須堅守。瞬刻強制之功。

鮮河車膏 九蒸熟地 五味 萸肉

山藥 湖蓮 砂仁 芡實 金櫻膏丸

李五 脉小色白。失血遺精屢發。猶喜納穀胃安。封藏固補。使其藏聚。若再苦寒瀉火。胃傷廢食。坐以待困矣。

熟地

萸肉

五味

覆盆子

河車膏

生兔絲粉

山藥

湖蓮

茯苓

芡實

金櫻膏丸

某 脉左部數。有鋒芒。初夏見紅。久遺滑。入夜痰升肋痛。肝陽上冒。腎弱不攝。固攝助納。必佐涼肝。

熟地

湖蓮

芡實

生白龍骨

茯神

川石斛

章 脉數虛。氣衝心熱。喉咳失血。屢因嗔怒。肝陽升則血

氣失血

遺精

土



湧。墜則精遺。春末土旺。入夏正當發泄。主令暮熱晨汗。陰陽樞紐失固。議進攝真。其清寒肺藥須忌。

魚鱉膠

生龍骨

桑螵蛸

次實

茯苓

五味

秋石

海人

陸一。肌肉鬆柔。脉小如數。常有夢遺。陰精不固。上年冬令

過溫。溫則腠理反疎。陽動不藏。諸氣皆升。絡血隨氣上

溢。見症如頭面熱。目下肉瞤。心悸怔忡。四末汗出。兩足

跗腫。常冷不溫。走動數武。卽吸短欲喘。何一非少陰腎

氣失納。陽浮不肯潛伏之徵。况多夢紛擾。由精傷及神

氣。法當味厚填精。質重鎮神。佐酸以收之。甘以緩之。勿

因血以投涼。其見下寒。輒進燥熱。恪守禁忌以安之。經年冀有成功。所慮中年志慮未純。貽憂反覆。

水製熟地

人參

秋石拌

白龍骨

炒杞子

五味

炒山藥

茯神

牛膝炭

遺精一症。前賢各有明辨。其義各載本門。茲不復贅。大抵此症。變幻雖多。不越乎有夢無夢。濕熱三者之範圍而已。古人以有夢爲心病。無夢爲腎病。濕熱爲小腸膀胱病。夫精之藏制雖在腎。而精之主宰則在心。其精血下注。濕熱混搖而遺滑者。責在小腸膀胱。故先生於遺精一症。亦不外乎寧心益腎。填精固攝。

清熱利濕諸法。如腎精虧乏。相火易動。陰虛陽冒。而爲遺精者。用厚味填精。介類潛陽。養陰固滯諸法。如無夢遺精。腎關不固。精竅滑脫而成者。用桑螵蛸散。填陰固攝。及滑瀉互施方法。如有夢而遺。煩勞過度。及脾胃受傷。心腎不交。上下交損而成者。用歸脾湯。妙香散。參朮膏。補心丹等方。心脾腎兼治之法。如陰虛不攝。濕熱下注。而遺滑者。用黃柏。蘆薈。黃連。蒼朮等。苦泄厥陰鬱熱。兼通腑氣爲主。如下虛上實。火風震動。脾腎液枯。而爲遺滑者。用二至。百補丸。及通封下焦之法。如龍相交熾。陰精走泄而成者。用三才封

勸升滋腎丸。六補陰丸。峻補真陰。承制相火。以瀉陰  
中伏熱爲主。又有房勞過度。精竭陽虛。寐則陽陷而  
精道不禁。隨溺隨泄。不夢而遺者。常用固精丸。升甲  
八脉之氣。又有膏粱酒肉。飲醇厚味之人。久之脾胃  
釀成濕熱。留伏陰中。而爲夢泄者。當用劉松石猪肚  
丸。清脾胃蘊蓄之濕熱。立法雖爲大備。然臨症之生  
心化裁。存乎其人耳。都慈丸

# 淋濁

某二濕熱下注淋濁當分利

草薢

淡竹葉

瞿麥

赤苓

細木通

扁蓄

某二濕熱下注溺痛淋濁先用分利法

草薢

淡竹葉

木通

赤苓

茵陳

海金沙

魏脉數垂淋濁愈後再發肛脈便不餘瀝更盛

草薢

府苓

澤瀉

白通草

海金沙

晚麥沙

丹皮

黃柏

又滯濁下行痛經議黃陰通腑

阿膠

生地

猪苓

澤瀉

山梔

丹皮

毛

三壯盛體豐當夏令濕熱蒸迫水氣氣墜而有淋濁服

寒涼腹脹得固瀉無效皆非腑病治法于和桂苓飲

又前用甘露飲淋濁已止而頭暈左肢麻木胃脘腹中

饑則欲痛咽中似有物粘着嗝咯咽飲不解診脉左

勁右濡據症是水弱不失滋涵肝陽化風過照達咽達

巔木乘胃土陽明脉衰不司束筋骨以利機關腕腹中

痛得食則緩者胃虛求助也。今壯年有此已屬辨中根。萌養肝腎之液以熄虛風。補胃土以充絡脉。務在守常。勿圖速效。可望全好。

製首烏

菴蓉

天冬

杞子

栢子霜

茯神

菊花炭

青鹽

紅棗肉丸服四錢 晚服猪肚丸方

某膏淋濁。膩濕熱居多。然亦有勞傷腎傷下虛不攝者。今以酒客腹中氣墜。便積苦辛寒分消治。

黃栢

茯苓

草薢

海金沙

川楝子

青皮

防已

蚕沙

陰虛  
熱

汪 脉左堅入尺濕熱下墜淋濁痛 滋腎丸

周二 便濁莖痛 滋腎丸三錢

吳四 久瘡不愈已有濕熱知識太早陰未生成早泄致陽

光易升易降牙宣衄血爲濁爲遺欲固其陰先和其陽

倣丹溪大補陰丸合水陸二仙丹加牡蠣金櫻膏丸

黃 舌白氣短胸中痛目暗微淋乃陰虛於下氣阻於上

暫停參朮早上服都氣丸三錢晚服威喜丸二錢

葉三 脉數形瘦素有失血自覺氣從左升痰嗽隨之此皆

積勞陽氣鼓動陰弱少制六味壯水和陽極是近日便

濁雖宜清熱亦必顧其陰體爲要



生地

丹皮

甘草梢

澤瀉

山梔

黑豆皮

某

陰虛濕熱在腑爲濁

六味去萸加車前牛膝黃柏

革薢

某

遺山精竅淋在溺竅異出同門最宜分別久遺不攝

是精關不攝爲虛但點滴莖中痛痒久腹堅滿此屬淋

閉乃隧道不通未可便認爲虛况夏令足趾濕腐其下

焦先蘊濕熱熱阻氣不流行將膀胱撐滿故令脹堅議

理足太陽經 五苓散

下焦陽  
不流行

某

四淋濁溺短痛先通陽氣

臨證指南醫案

卷三

淋濁

六

心火下  
名

草薢 三錢

烏藥 一錢

益智 五分

赤苓 三錢

遠志 四分

琥珀末 五分

蕭四 脉沉淋濁 分清飲加山梔丹皮茯苓猪苓

某三 淋濁小便不利當清利火腑 導赤散生地用細者

加赤苓瞿麥

黃 心熱下遺於小腸則為淋濁用藥以苦先入心而小  
腸火腑非苦不通也既已得效宗前議定法

人參 黃柏 川連 生地 茯苓

茯神 丹參 桔梗 石菖蒲

王 淋屬肝胆濁屬心腎心火下陷陰失上承故溺濁不

禁。

人參

川連

生地

茯神

栝子仁

遠志

氣閉

某氏氣閉成淋。

紫苑

枇杷葉

杏仁

降香末

瓜蘖皮

鬱金

黑山梔

又食入痞悶小便淋痛。照前方去紫苑黑梔加苡仁

膀胱熱  
血淋

某三小溲短赤帶血。導赤散加琥珀末五分赤茯苓

胡五熱入膀胱小溲血淋莖中猶痛非止血所宜。議用錢

氏導赤散加知栝以清龍雷。

許八血淋尿管溺出而痛脉沉實形色蒼黑治從腑熱

蘆薈

山梔

郁李仁

紅花

當歸

酒大黃

龍胆草

丹皮

又血淋未已用堅陰清熱

小生地

粉丹皮

黃柏

知母

淡竹葉

山梔

精濁陰虛

祝五<sub>四</sub>中年已後瘦人陰虧有熱飲酒濕熱下墜精濁痔血

皆熱走入陰則陰不固攝前方宗丹溪補陰丸取其介  
屬潛陽苦味堅陰若用固澀必致病加

水製熟地

龜版膠

鹹秋石

天冬

茯苓

黃柏

知母

猪脊筋搗丸

范二精走濁淋。脊骨生熱。屬陰虛。胃弱勿用膩滯。

龜腹甲心

覆盆子

五味

歸身

鹿角膠

秋石

芡實

金櫻膏丸

腎氣不

戈五

脉左細勁。腰痠。溺有遺瀝。近日凝穀難化。此下焦臟

陰虛。飢漸及中焦。臍陽收納肝腎。勿損胃氣。

熟地

杞子

栢子仁

當歸身

紫衣胡桃

補骨脂

杜仲

茯苓

青鹽

蜜丸

某六

六旬有五。下焦空虛。二便不爽。溺管痺痛。姑與腎氣

湯主治。

腎氣湯細絹濾清服。

朱<sup>三</sup>六血淋管痛。腑熱爲多。經月來。每溺或大便。其墜下更

甚。想陰精既損。腎氣不收。故也。

鹹菴蓼

栝子仁

杞子

大茴

牛膝

茯苓

某淋濁經年。陽損腰痛畏冷。

熟地

杞子

鹿角膠

巴戟

杜仲

栝子仁

湖蓮

芡實

水清濁  
赤阻

葉<sup>二</sup>七淋屬肝胆。濁屬心腎。據述病。溺出渾濁如膿。病甚則

多。或因遺泄後。濁痛皆平。或遺後痛濁轉甚。想精關之  
間。必有有形敗精凝阻其竅。故藥中清濕熱通腑及固

瀉補陰。久餌不效。先議通瘀腐一法。考古方通淋通瘀。用虎杖湯。今世無識此藥。每以杜牛膝代之。

用鮮杜牛膝根水洗淨。搗爛絞汁。大半茶杯。調入真麝香一分許。隔湯燉溫。空心服。只可服三四服。淋通卽止。倘日後病發再服。

又淋病主治。而用八正分清導赤等方。因熱與濕俱屬無形。腑氣爲壅。取淡滲苦寒。濕去熱解。腑通病解。若房勞強忍精血之傷。乃有形敗濁阻於隧道。故每溺而痛。徒進清濕熱利小便無用者。以溺與精同門異路耳。故虎杖散小效。以麝香入絡通血。杜牛膝亦開通血中敗

濁也。

韭白汁九製大黃一兩 生白牽牛子一兩 歸鬚五錢

桂枝木三錢 炒桃仁二兩 小茴三錢 韭白汁法丸

李 敗精凝隧通瘀痺宣竅已效。

生桃仁 杜牛膝 人中白 生黃柏 麝香二分 調入

徐五五旬又四。勞心陽動。陰液日損。壯年已有痔瘍。腸中

久有濕熱。酒性辛溫。亦助濕熱。熱下注為瘰為淋。故初

病投八正五苓。疎氣之難也。牛年不痊。氣病漸入於血

絡。考古方惟虎杖散最宜。虎杖散

張 丹溪謂五淋症。濕熱阻竅居多。三年前曾存是病。月



前舉發。竟有血塊窒塞尿管大痛。不能溺出。想房勞強  
忍。敗精離位。變成汚濁癰腐。且少腹堅滿。大便秘滯。臟  
氣無權。腑氣不用。考瀕湖發明篇中。有外甥柳喬之病。  
與此適符。今倣其義。參入朱南陽法。

兩頭尖

川棟子

韭白

小茴

桂枝

歸尾

沖入杜牛膝根汁

又痛脹皆減。滴瀝成淋。前投通濁已效。只要凝塊全無。  
便不反覆。陰藥呆鈍。桂附劫液通陽。柔劑爲宜。

茯苓

歸尾

栢子仁

炒遠志

杞子

茯苓

小茴

馬淋。屬肝胆居多。桂附劫陰。與剛臟不合。診脉沉澹。無力。非五苓八正可投。議用朱南陽法。仍是厥陰本方耳。

老韭根白

一兩

兩頭尖

一百粒

小茴香

五分

川棟子肉

一錢

歸鬚

二錢

穿山甲末

一錢

徐由淋痛漸變赤白濁。少年患此。多有慾心暗動。精離本宮。腐敗凝阻。溺竅而成。乃有形精血之傷。二年久病。形消肉減。其損傷已非一臟一腑。然補精充髓。必佐宣通爲是。自能潛心安養。尚堪帶病延年。

熟地

生麋角

菴蓉

妙遠志

赤苓

牛膝

某 每溺尿管窒痛溺後渾濁敗精阻竅濕熱內蒸古方  
虎杖散宜竅通腐甚妙若去麝香必不靈效較諸湯藥  
更上一籌矣

酒煨大黃

炒龍胆草

炒焦黃柏

牽牛子

川楝子

黑山梔

小茴

沉香汁

某 陰精上蒸者壽陽火下陷者危血淋久而成形窒痛  
煩心心火直升老人陰精已憊五液化成敗濁阻竅不  
通欲溺必痛得泄痛減卽痛則不通痛隨利緩之謂故  
知栢六味及歸脾逍遙之屬愈治愈劇其守補升補滋

滯瀉藥決不中病。用琥珀痛減。乃通血利竅之意。然非  
久進之方。以不傷陰陽之通潤立方。

生地

益母草

女貞子

阿膠

琥珀

稽豆皮

奇脈病

顧二敗精。宿於精關。宿腐因溺強出。新者又瘀在裏。經年

累月。精與血並皆枯槁。勢必竭絕。成勞不治。醫藥當以  
任督衝帶調理。亦如女人之崩漏帶下。醫者但知入正  
分清。以濕熱治。亦有地黃湯益陰瀉陽。總不能走入奇  
經。

鹿茸

龜甲

當歸

杞子

茯苓

小茴

鮑魚

夏三案牘神耗過動天君陽燧直升直降水火不交陰精變爲腐濁精濁與便濁異路故宜利清解無功數月久延其病傷已在任督凡八脉奇經醫每棄置不論考孫真人九法端究其事欲溷陰精不漏意在升固八脉之氣錄法參末

鹿茸

人參

生鬼絲粉

補骨脂

韭子

舶茴香

覆盆子

茯苓

胡桃肉

栢子霜

蒸餅爲丸

劉三

脉緩瀉瀉後有血或間成塊晨傾溺器必有膠濁粘

臟之物四肢寒凜納食如昔病傷奇脉

生鹿茸

當歸

杞子

栢子仁

沙苑子

小茴

王

五入

悲憂驚恐內傷情志沐浴薰蒸外泄陽氣絡中不寧

血從漏出蓋衝脉動而諸脉皆動任脉遂失擔任之司  
下元真氣何以固納述小便欲出有痠楚如淋之狀診  
脉微小滿最宜理陽通補用青蘘斑龍丸

淋有五淋之名濁有精濁便濁之別數者當察氣分  
與血分精道及水道確從何來大凡秘結宜通滑  
當補若因心陽亢而下注者利其火膽濕熱甚而不

宣者徹其泉源。氣陷用升陽之法。血瘀進化結之方。此數端人所易曉也。獨不知厥陰內患其症最急。少腹遶前陰如刺。小水点滴難通。環陰之脉絡皆痺。氣化機關已息。先生引朱南陽方法。兼秦李瀕湖意。用滑利通陽。辛鹹泄急。佐以循經入絡之品。豈非發前人所未發耶。若夫便溺之恙。只在氣虛與濕熱推求。實者宣通水道。虛者調養中州。若虛實兩兼。又有益臟通腑之法。精濁者蓋因損傷肝腎而致。有精瘀精滑之分。精瘀當先理其離宮。腐濁繼與補腎之治。精滑者用固補。歛攝倘如不應。當從真炁調之。景岳謂

理其無形。以固有形也。然此症。但知治肝治腎。而不知有治入脉之妙。先生引孫真人九法。升奇陽。固精絡。使督任有權。漏卮自已。可見平日若不多讀古書。而臨症焉知此理。若不經先生講明。予今日亦不知此方妙處。又尿血一症。虛者居多。若有火亦能作痛。當與血淋同治。倘清之不愈。則端究乎虛。上則主於心脾。下則從乎肝腎。久則亦主於入脉。大約與前症相同。要在認定陰陽耳。

徐新甫



# 陽痿

徐三脉小數瀟上熱火升喜食辛酸爽口上年因精滑陽痿用二至百補通填未效此乃焦勞思慮鬱傷當從少陽以條暢氣血

柴胡

薄荷

丹皮

鬱金

山梔

神翹

廣皮

茯苓

生姜

心腎不交

仲二八三旬以內而陽事不舉此先天稟弱心氣不主下交

於腎非如老年陽衰例進溫熱之此填充髓海交合心腎宜之

熟地 雄羊腎 杞子 補骨脂 黃節

遠志 茯苓 胡桃 青鹽 鹿筋膠丸

王五述未育子向衰莖縮凡男子下焦先虧客館辦事曲  
運神思心陽久吸腎陰用斑龍聚精茸珠合方

男子以八爲數年逾六旬而陽事痿者理所當然也  
若過此猶能生育者此先天稟厚所謂陽常有餘也  
若夫少壯及中年患此則有色慾傷及肝腎而致者  
先生立法非峻補真元不可蓋因陽氣既傷真陰必  
損若純乎剛熱燥清之補必有偏勝之害要兼血肉  
溫潤之品緩調之亦有因恐懼而得者蓋恐則傷腎

恐則氣下。治宜固腎。約佐升陽。有因思慮煩勞而成者。則心脾腎兼治。有鬱損生陽者。必從胆治。蓋經云。凡十一臟皆取決於胆。又云。少陽爲樞。若得胆氣展舒。何鬱之有。更有濕熱爲患者。宗筋必弛。縱而不堅。舉治用苦味堅陰。淡滲去濕。濕去熱清而病退矣。又有陽明虛則宗筋瀝。蓋胃爲水穀之海。納食不旺。精氣必虛。凡男子外腎其名爲勢。若穀氣不充。欲求其勢之雄壯堅舉。不亦難乎。治惟有通補陽明而已。華

岫雲

# 汗

其二脉細自汗下體怯冷衛陽式微使然。

黃芪

三錢

熟附子

七分

錢

炙草

五分

煨姜

一錢

南棗

三錢

朱六脉微汗淋右脇高突而與色痿足冷不食易飢食入即飽此陽氣大傷衛不擁護法當封固。

人參

黃芪

製川附子

熟於木

孫八肉膈筋傷心悸汗出頭痛愈畏風怕冷陽虛失護用

真武湯

某 勞傷陽虛汗泄

黃芪 三錢 白朮 二錢 防風 六分 炙草 五分

顧氏 勞力拂怒心背皆熱汗出往時每以和陽治厥陰肝  
臟得效今年春夏經行病發且食納頓減褚氏謂獨陰  
無陽須推異治通補既藥小效不必見熱投涼用鎮其  
陽以理虛

人參 半夏 茯苓 炙草

牡蠣 小麥 南棗

張五 脈弦大身熱時作汗出良由勞傷營衛所致經云勞  
者溫之

嫩黃芪三錢 當歸半錢 桂枝木一錢 白芍一錢

炙草五分 煨姜一錢 南棗三錢

某二脉細弱自汗體冷形神疲痺知饑少納肢節痠楚病在營衛當以甘溫。

生黃芪 桂枝木 白芍 炙草

煨姜 南棗

某汗出寒凜其氣發泄痰動風生用辛甘化風法。

生黃芪 桂枝 炙草 茯苓

防風根 煨姜 南棗

勞傷心 神 梅四案牘積勞神困食減五心汗出非因實熱乃火與元

氣勢不兩立。氣泄為熱為汗。當治在無形。以實火宜清。虛熱宜補耳。議用生脉四君子湯。

方 茹素惡腥。陽明胃弱。致厥陰來乘。當丑時減餐。汗出少寐多夢。

人參 龍骨 茯神 棗仁 炒白芍

炙草 煎藥吞送蒸熟五味子三十粒

又 鎮攝汗止。火升咳嗽。仍屬陰虛。難得充復。育陰滋液為治。

熟地炭 人參 炒麥冬 五味 炒萸肉

川斛 茯神 女貞子 接服瓊玉膏方

經云陽之汗以天地之雨名之。又云陽加於陰謂之汗。由是推之。是陽熱加於陰。津散於外而爲汗也。夫心爲主陽之臟。凡五臟六腑表裏之陽皆心主之。以行其變化。故隨其陽氣所在之處。而氣化爲津。亦隨其火擾所在之處。而津泄爲汗。然有自汗盜汗之別焉。夫汗本乎陰。乃人身之津液所化也。經云汗者心之液。又云腎主五液。故凡汗症未有不由心腎虛而得之者。心之陽虛不能衛外而爲固。則外傷而自汗。不分寤寐。不因勞動。不因發散。溱溱然自出。由陰蒸於陽分也。腎之陰虛不能內營而退藏。則內傷而盜



汗盜汗者。卽內經所云寢汗也。睡熟則出。醒則漸收。由陽蒸於陰分也。故陽虛自汗。治宜補氣以衛外。陰虛盜汗。治當補陰以營內。如氣虛表弱自汗不止者。仲景有黃芪建中湯。先賢有玉屏風散。如陰虛有火盜汗發熱者。先賢有當歸六黃湯。栢子仁丸。如勞傷心神。氣熱汗泄者。先生用生脉四君子湯。如營衛虛而汗出者。宗仲景黃芪建中湯。及辛甘化風法。如衛陽虛而汗出者。用玉屏風散。芪附湯。真武湯。及甘麥大棗湯。鎮陽理陰方法。按症施治。一絲不亂。謂之明醫也。夫復奚愧。鄒滋九

陽脫

# 脫

陳遺尿目瞋口開面亮汗油陽飛欲脫無藥力挽擬參附湯法加入童便圖元真接續耳

又子丑爲陰陽交界之時更逢霜降正不相續後現脫象進兩攝陰陽方參附湯加五味子

又陽回汗止神甦無如陰液欲涸心熱渴飲姑救胃汁人參 麥冬 五味 茯神 建蓮

又腎真未全收納便溺自遺無如咽燥喉痛陽雖初回陰氣欲盡難進溫熱之補大意收攝真陰爲治

人參

麥冬

五味

熟地炭

茯神

遠志炭

菖蒲根

又胃虛客氣上逆爲呃噫。痰滯血腥。咽中微痛。用鎮攝法。

人參

熟地

北味

茯神

青鉛

周脉革無根。左尺如無。大汗後寒瘕。頭顱痛。躁渴不寐。此屬亡陽。平昔飲酒少穀。回陽辛甘未得。必達有乾嘔格拒之狀。真危如朝露矣。勉議仲景救逆湯。收攝潰散之陽。冀有小安。再議治病。救逆湯加參附。

徐 恰交第七日。鼾聲呵欠。目瞑煩躁。診脉微細而促。此

皆二氣不相接續。衰脫之徵最速。是清神熄風方法。難以進商。急固根蒂。倣河間地黃飲。

熟地

附子

茯苓

萸肉

杞子

遠志

菖蒲

川斛

黃 腎脉不得上繫。肝風突起。掀旋。呵欠。鼾聲。口噤。汗出。陰陽不續。危期至速。地黃飲子極是。

熟地炭

萸肉炭

川斛

天冬

淡茯苓

牛膝炭

五味

遠志

茯神

飲子煎法

凌 脉大不斂。神迷。嚙語。陰陽不相交合。爲欲脫之象。救陰無速功。急急鎮固陰陽。冀其甦息。

人參

茯神

阿膠

淮小麥

龍骨

牡蠣

又 陰液枯槁。陽氣獨升。心熱驚惕。倏熱汗泄。議用復脉

湯。甘以緩熱。充養五液。復脉去姜桂加牡蠣

又 胃弱微嘔。暫與養陽明胃津方。

人參

炒麥冬

炒白粳米

茯神

鮮蓮子肉

川斛

又

人參

秋石水拌烘

熟地炭

天冬

麥冬

茯神

鮮生地

又

秋燥上薄。嗽甚微嘔。宜調本兼以清燥

人參

秋石水拌烘

麥冬

玉竹

生甘草

南棗

白粳米

又安胃丸

二錢

秋石拌人參湯送

某氏

脉如雀啄。色枯氣促。身重如山。不思納穀。乃氣血大

虛。慮其暴脫。

人參

生地

阿膠

麥冬

炙草

左牡蠣

又

補攝足三陰

人參

熟地炭

棗仁

茯神

五味

鮮蓮子肉

朱氏久損不復真氣失藏交大寒節初之氣厥陰風木主候肝風乘虛上擾氣升則嘔吐氣降則大便寒則脊內更甚熱則神煩不寧是中下之真氣杳然恐交春前後有厥脫變幻擬進鎮逆法

人參

生牡蠣

龍骨

附子

桂枝木

生白芍

炙草

艾自半月前寒熱兩日色脉愈弱食減寢少神不自持皆虛脫之象議固之瀉之不及理病

人參

生龍骨

牡蠣

桂枝

炙草

南棗肉

又 脉神稍安議足三陰補方

人參

砂仁末炒熟地

炒黑杞子

茯神

五味

牛膝炭

脫卽死也。諸病之死皆謂之脫。蓋人病則陰陽偏勝。偏勝至極卽死矣。人之生也。負陰抱陽。又曰陰在內。陽之守也。陽在外。陰之使也。是故陰中有陽。陽中有陰。其陰陽樞紐自有生以至老死。頃刻不離。離則死矣。故古聖先賢創著醫籍。百病千方。無非爲補偏救弊。和協陰陽。使人得盡其天年而已。夫脫有陰脫陽脫之殊。內經論之最詳。難經又言脫陽者見鬼。脫陰



者目盲。此不過言其脫時之情狀也。明理者須預爲挽救則可。若至見鬼目盲而治之。已無及矣。今觀先生之治法。回陽之中。必佐陰藥。攝陰之內。必兼顧陽氣。務使陽潛陰固。庶不致有偏勝之患。至於所脫之症不一。如中風眩暈嘔吐喘衄。汗多亡陽之類。是陽脫也。瀉痢崩漏胎產。下多亡陰之類。是陰脫也。痧脹乾霍亂。病脹痙厥。臟腑窒塞之類。是內閉外脫也。陽脫於上。陰脫於下。卽人死而魂升魄降之謂也。總之陰陽樞紐不脫。病雖重不死。然則陰陽樞紐何在。其在於命門歟。

華岫雲

# 脾胃

胃陰虛  
不飢不  
納

錢 胃虛少納。土不生金。音低氣餒。當與清補。

麥冬

生扁豆

玉竹

生甘草

桑葉

大沙參

王 數年病傷不復。不飢不納。九竅不和。都屬胃病。陽土

喜柔偏惡剛燥。若四君異功等。竟是治脾之藥。腑宜通

卽是補。甘涼濡潤。胃氣下行。則有效驗。

麥冬 一錢

火麻仁

一錢  
半沙

水炙黑小甘草

五分

生白芍

二錢

臨服入青甘蔗漿一杯

某二 病後胃氣不甦。不飢少納。姑與清養。

鮮省頭草

三錢

白大麥仁

五錢

新會皮

一錢

陳半夏麴

一錢

川斛

三錢

烏梅

五分

某三 脉濇。體質陰虧。偏熱。近日不飢。口苦。此胃陰有傷。邪熱內熾。古稱邪火不殺穀是也。

金石斛

陳半夏麴

生穀芽

廣皮白

陳香鼓

塊茯苓

某

理肺養胃。進以甘寒。

甜杏仁

玉竹

花粉

枇杷葉

川貝

甜水梨汁

虛肺胃陰

某 脉數口渴有痰乃胃陰未旺

炒麥冬

生白扁豆

生甘草

白粳米

北沙參

川斛

陳二 知飢少納胃陰傷也

麥冬

川斛

桑葉

茯神

蕨漿

某 胃陽受傷。肝病以通爲補。與守中必致壅逆。

人參

粳米

益智仁

茯苓

廣皮

炒荷葉

某 食穀不化胃無火也

生白朮

厚樸

新會皮

益智仁

茯苓

砂仁

計三陽微痰黑食入不化

人參

生益智

桂心

茯苓

廣皮

煨姜

高六八脉與小帶弦知飢不欲食晨起吐痰是胃陽不足宜用外臺茯苓飲

又人參

白朮

茯苓

廣皮

半夏

枳實皮

白茯苓

地栗粉

席三脉右濡臍上過寸有聚氣橫束幾年來食難用飽每三四日一更衣夫九竅失和都屬胃病上脘部位爲氣

分清陽失司。做仲景微通陽氣爲法。

薤白

瓜蒌汁

半夏

姜汁

川桂枝

鮮薑蒲

某三脉濡自汗。口淡無味。胃陽憊矣。

人參

淡附子

淡乾姜

茯苓

南棗

王脉小。右弦病屬勞倦。飲食不和。醫投柴葛。雜入消導。升表攻裏。致汗泄三日。院中不饑。全是胃陽大傷。防有噦呃。厥逆之變。

生益智仁

姜汁

半夏

茯苓

丁香

炒黃米

孫長夏熱傷爲瘧爲痢都是脾胃受傷老年氣衰不肯自復清陽不肯轉旋脫中不得容納口味痰吐不清脉弦右濡瀉下焦便不通調九竅不和都胃病也此剛補不安陽土不耐辛熱矣議宜通補方如大半夏湯之類

大半夏湯加川連姜汁

又小溫中丸

錢壯年肌萎色黯脉小濡瀉每食過不肯運化食冷物膈上卽痛色脉參合病象是胃陽不旺濁陰易聚醫知腑陽宜通自有效驗

良姜

草果

紅苳蔻

厚樸

脾胃虛

生香附 烏藥

汪 舌灰黃脘痺不饑形寒怯冷脾陽式微不能運布氣機非溫通焉能宣達

半夏

茯苓

廣皮

乾姜

厚樸

草撥

周西 脉象窒塞能食少運便澹當溫通脾陽

生白朮

半錢

茯苓

三錢

益智仁

一錢

淡附子

一錢

乾姜

一錢

草撥

一錢

又 溫通脾陽頗適脉象仍然窒塞照前方再服一劑如

九方當以脾腎同治着想



吳 酒多穀少濕勝中虛腹痛便溏太陰脾陽少健

平胃合四苓加穀芽

脾胃陽虛

王五 素有痰飲陽氣已微再加悒鬱傷脾脾胃運納之陽

愈憊致食下不化食已欲瀉夫脾胃為病最詳東垣當

升降法中求之

人參 白朮 羌活 防風

生益智 廣皮 炙草 木瓜

張九 食加便溏胃醒脾不運也方藥貴以太陰陽明是調

異功散加甘松益智

周四 脉緩弱腕中痛脹嘔湧清涎是脾胃陽微得之積勞

午後病甚陽不用事也大凡脾陽宜動則運溫補極是而守中及膩滯皆非其通腑陽間佐用之

人參 半夏 茯苓 生益智

生姜汁 淡乾姜 次便不爽間用半硫布

朱<sup>五</sup>陽微食後吞酸<sup>四</sup>

茯苓<sup>四兩</sup> 炒半夏<sup>二兩</sup> 廣皮<sup>二兩</sup> 生於木<sup>二兩</sup> 厚樸<sup>一兩</sup>

淡乾姜<sup>一兩</sup> 華澄茄<sup>一兩</sup> 淡吳萸<sup>一兩</sup> 公丁香<sup>五錢</sup> 水法丸

胃 濕傷脾

某<sup>二</sup>八脉逆食下腹脹大便不爽水穀之濕內着脾陽不主

默運胃腑不能宣達踈脾降胃令其升降為要

金石斛<sup>二錢</sup> 厚樸<sup>一錢</sup> 枳實皮<sup>一錢</sup> 廣皮白<sup>一錢</sup>

苦參 一錢

神麴 一錢

茯苓皮 三錢

麥芽 一錢

陳三厥陰三癰半年夏至節交春未退舍大寒熱而便解  
病傷未旺雨濕蒸逼外臨內受水穀不運洞泄之後而  
神倦食減濕傷脾胃清氣用東垣清暑益氣主之

清暑益氣法

脾胃虛

洪媛

脉虛清弱面之渾澤鼻冷肢冷肌腠麻木時如寒凜

微熱欲溺大便有不化之形穀食不納此陽氣大衰理  
進溫補用附子理中湯

中氣虛

趙三

氣分太虛衛少外護畏風怯冷冬大氣主藏夏季

氣泄外越此天熱煩倦一因也是氣分屬陽故桂附理

陽頗投攷八味古稱腎氣有通攝下焦之功能使水液不致泛溢其中陰藥味厚爲君乃陰中之陽藥施於氣虛未爲中欵。歷舉益氣法無出東垣範圍。俾清陽旋轉脾胃自強。偏寒偏熱總有太過不及之弊。補中益氣加麥冬北味 又 間服四君子湯

宣三痛而納食稍安病在脾絡因饑餓而得當養中焦之營甘以緩之是其治法 歸建中湯

戈 小便短濇渾濁大便頻澀不欲納穀此傷食惡食也當分消土。

生益智

廣皮

茯苓

澤瀉

炒白芍

炒山查

脾胃之論莫詳於東垣其所著補中益氣調中益氣升陽益胃等湯誠補前人之未備。察其立方之意。因以內傷勞倦爲主。又因脾乃太陰濕土。且世人胃陽衰者居多。故用參芪以補中。二朮以溫燥。升柴升下陷之清陽。陳皮木香理中宮之氣滯。脾胃合治。若用之得宜。誠效如桴鼓。蓋東垣之法。不過詳於治脾而畧於治胃耳。乃後人宗其意者。凡著書立說。竟將脾胃總論。卽以治脾之藥籠統治胃。舉世皆然。今觀葉氏之書。始知脾胃當分析而論。蓋胃屬戊土。脾屬己

土戊陽已陰。陰陽之性有別也。臟宜藏。腑宜通。臟腑之體用各殊也。若脾陽不足。胃有寒濕。一臟一腑皆宜於溫燥升運者。自當格遵東垣之法。若脾陽不虧。胃有燥火。則當遵葉氏養胃陰之法。觀其立論云。絢食主胃。運化主脾。脾宜升則健。胃宜降則和。又云。太陰濕土。得陽始運。陽明陽土。得陰自安。以脾喜剛燥。胃喜柔潤也。仲景急下存津。其治在胃。東垣大升陽氣。其治在脾。此種議論。實超出千古。故凡遇稟質木火之體。患燥熱之症。或病後熱傷肺胃津液。以致虛痞不食。舌絳咽乾。煩渴不寐。肌燥煽熱。便不通。此

九竅不和都屬胃病也。豈可以芪朮升柴治之乎。故先生必用降胃之法。所謂胃宜降則和者。非用辛開苦降。亦非苦寒下奪。以損胃氣。不過甘平。或甘涼濡潤。以養胃陰。則津液來復。使之通降而已矣。此義卽宗內經所謂六腑者。轉化物而不藏。以通爲用之理也。今案中所分胃陰虛。胃陽虛。脾胃陽虛。中虛。饑傷食傷。其種種治法。最易明悉。余不參贅。總之脾胃之病。虛實寒熱。宜燥宜潤。固當詳辨。其於升降二字。尤爲緊要。蓋脾氣下陷。固病。卽使不陷。而但不健運。已病矣。胃氣上逆。固病。卽不上逆。而但不通降。亦病矣。故

脾胃之治法與各門相兼者甚多如嘔吐腫脹泄瀉  
便閉不食胃痛腹痛木乘土諸門尤宜並參互相討  
論以明其理可也

華岫雲



# 木乘土

肝胃

某 肝厥犯胃入膈

半夏

姜汁

杏仁

瓜蒌皮

金鈴子

延胡

香豆豉

白蘘

飽三情懷不通陽氣鬱勃於中變化內風掀旋轉動心忪

流涎麻木悉歸左肢蓋肝爲起病之源胃爲傳病之所

飲酒中虛便易溇滑讓兩和肝胃

桑葉

炒丹皮

天麻

金斛

川貝

地骨皮

吳 脉左數右濡氣塞心痛養胃平肝

半夏

茯苓

炒麥冬

栝子仁

川棟子

青橘葉

顧五 脉弦胃脘痺痛子後清水泛溢由少腹湧起顯是肝

厥胃痛之症

吳萸 五分

川棟子

錢一

延胡 錢一

茯苓 三錢

桂枝木 五分

高良姜

錢一

某九 脉左弦右濡中脘痛及少腹病在肝胃

川棟子

青皮

生香附

小茴

茯苓

南棗

某三古白惡心。液沫泛溢。病在肝胃。當通陽泄濁。

吳萸 七分 乾姜 一錢 姜汁 三分 茯苓 三錢 南棗 一枚

任三 八 此情志不遂。肝木之氣逆行犯胃。嘔吐膈脹。開懷談笑可解。凝滯血藥。乃病之對頭也。

延胡 川楝子 蘇梗 烏藥

香附 紅苳蓉

王三 四 胃脘痛。高突而堅。嘔清涎血沫。滴水不能下咽。四肢冷。肌膚麻木。搥背脊病勢畧緩。此屬肝厥犯胃。

開口吳萸 金鈴子 炒延胡 生香附

高良姜 南山查

某 脉左弦少寐氣從左升泄肝和胃。

生左牡蠣

五錢

川棟子肉

一錢

化州橘紅

一錢

茯苓

三錢

澤瀉

一錢

某 脉緩左弦晨倦食減在土旺之候急調脾胃。

戊巳湯去甘草加穀芽

程五曲運神機心多擾動必形之夢寐診脉時手指微震。

食納痰多蓋君相動主消燥安穀不充形骸首宜理陽

明以制厥陰勿多岐也。

人參 枳實 半夏 茯苓 石菖蒲

某 通補陽明和厥陰。

人參

茯苓

半夏

高良姜

吳萸

生白芍

某<sub>四</sub>肝逆犯胃。脘痛腹鳴。氣撐至咽。

川楝子

桂枝木

淡乾姜

川椒

生白芍

吳萸

烏梅

茯苓

程<sub>二</sub>操家。煩動嗔怒。都令肝氣易逆。乾嘔味酸。木犯胃土。

風木動。乃晨泄食少。形瘦脉虛。先議安胃和肝。

人參

半夏

茯苓

木瓜

生益智

煨姜

華<sub>二</sub>據說氣攻脇脹。春起秋愈。此內應肝木。飽食不和。肝

傳胃矣。

焦白朮

半夏

柴胡

枳實

生香附

廣皮

乾荷葉湯泛丸

毛

目微黃。舌黃。煩渴。脇肋板實。呼吸周身牽掣。起於頻

吐食物痰飲。即胸脘痛脹。此肝木犯胃。諸氣痺阻。雖平

昔宜於溫補。今治病宜宜通氣分。

半夏

一錢半

廣皮白

一錢

大杏仁

十粒

白蔻仁

八分

川棟子

一錢

炒延胡

一錢

生薑

五分

土瓜萸皮

一錢

又

心中懊惱噎痛。氣分熱痰未平。用溫胆法。

竹茹

一錢

炒半夏

一錢

茯苓

一錢

枳實

一錢

桔梗八分 橘紅 一錢 生姜 三分

王三癖積是重着有質今痛升有形痛解無跡發於暮夜衝逆欲嘔不吐明是厥氣攻胃由惱怒強食氣滯紊亂而成病發時用河間金鈴子散兼以宣通陽明凝遏可愈

金鈴子 延胡 半夏 瓜蒌皮

山梔 橘紅

秦二面長身瘦稟平水火之形氣阻脘中食少礙痛胃口為逆乃氣火獨熾之象忌用燥熱劫津治以平肝和胃

降香 鬱金 山梔 橘紅

枇杷葉

蘇子

川貝母

姜皮

朱

<sup>十五</sup>

半百已衰。多因神傷思慮。夏四月大氣發泄。遂加便

溇。長夏暑熱。無有不大耗氣分。寒熱之來。乃本氣先怯。而六氣得以乘虛。今不思納穀之因。皆寒熱二氣擾逆。胃脘清眞受戕。所以致困莫甦。不煩不渴。胃陽虛也。正醒胃必先制肝。而治胃與脾迥別。古稱胃氣以下行爲順。區區術甘之守。升柴之升。竟是脾藥。所以鮮克奏效。

人參

茯苓

炒麥冬

大麥仁

木瓜

烏梅

董

病久。正氣已衰。喜熱惡寒爲虛。診得左脈尚弦。病在



肝但高年非伐肝平肝爲事。議通補胃陽。

人參

茯苓

煨姜

新會皮

炒粳米

炒荷葉蒂

陸三咽屬胃。胃陰不升。但有陽氣薰蒸。致咽燥不成寐。衝逆心悸。震動如驚。厥陰內風乘胃虛以上僭。胃脉日虛。肢肌麻木。當用十味溫胆。合秫米湯。通攝兼進。俾肝胃陽和。可以痊安。

人參

茯苓

棗仁

知母

竹茹

半夏

黃色秫米

又用泄少陽補太陰法。六君去甘草加丹皮桑葉金

射湯法九

郭 脉弦。心中熱。欲嘔。不思食。大便不爽。乃厥陰肝陽順  
乘胃口。陽明脉絡不宣。身體掣痛。當兩和其陽。酸苦泄  
熱。少佐微辛。

川連

桂枝木

生牡蠣

烏梅

生白芍

川棟子

芮 前議肝病入胃。上下格拒。考內經諸痛。皆主寒客。但  
經年累月久痛。寒必化熱。故六氣都從火化。河間特補  
病機一十九條亦然。思初病在氣。久必入血。以經脉主  
氣。絡脉主血也。此臟腑經絡氣血。須分晰辨明。投劑自

可入穀。更詢初病因驚。夫驚則氣逆。初病肝氣之逆。久則諸氣均逆。而三焦皆受。不特胃當其衝矣。謹陳緩急先後進藥方法。厥陰篇云。氣上撞心。飢不能食。欲嘔。口吐涎沫。夫木既犯胃。胃受尅爲虛。仲景謂制木必先安土。恐防久尅難復。議用安胃一法。

川連

川棟子

川椒

生白芍

烏梅

淡姜渣

歸鬚

橘紅

內經以攻病尅制曰勝方。補虛益體。須氣味相生曰生方。今胃被肝乘。法當補胃。但胃屬腑陽。凡六腑以通爲補。黃連味苦能降。戴元禮云。諸寒藥皆凝滯。惟

有黃連不凝滯。有姜椒歸須氣味之辛。得黃連川棟之苦。做內經苦與辛合。能降能通。芍藥酸寒。能泄土中木乘。又能和陰止痛。當歸血中氣藥。辛溫上升。用鬚力薄。其氣不升。梅占先春。花發最早。得少陽生氣。非酸欬之收藥。得連棟苦寒。內經所謂酸苦泄熱也。以氣與熱俱無形無質。其通逐之法迥異。故辨及之。又春分前七日。診右脉虛弦帶滯。左脉小弦勁而數。胃痛已緩。但常有畏寒鼓慄。俄頃發熱而解。此肝病先厥後熱也。今歲厥陰司天。春季風木主氣。肝病既久。脾胃必虛。風木鬱於土宮。營衛二氣未能流暢於經脉。爲營

養護衛。此偏熱偏寒所由來矣。夫木鬱土位。古人制肝  
補脾。升陽散鬱。皆理偏就和爲治。勿徒攻補寒熱爲調。  
今春半天令漸溫。擬兩和氣血。佐以宣暢少陽太陰。至  
小滿氣緩泄越。必大培脾胃後天。方合歲氣體質調理。  
定春季煎丸二方。

人參

茯苓

廣皮

炙草

當歸

白芍

丹皮

桑葉

姜棗湯法丸

間用煎方

人參

廣皮

穀芽

炙草

白芍

黃芩

丹皮

柴胡

卜

有年冬藏不固。春木萌動。人身內應乎肝。水弱木失

滋榮陽氣變化內風。乘胃爲嘔。攻脇爲痛。仲景以消渴  
心熱。屬厥陰。內經以吐涎沫爲肝病。肝居左而病。熾偏  
右。木犯土位之徵。經旨謂肝爲剛臟。非柔不和。閱醫藥  
沉桂。莫速雜以破泄氣分。皆辛辣苦燥。有剛以治剛之  
弊。倘忽厥逆。瘵癰奈何。議鎮陽熄風法。

生牡蠣

阿膠

細生地

丹參

淮小麥

南棗

又內風陽氣鼓動變幻。皆有形無質。爲用太過。前議鹹  
苦入陰和陽。佐麥棗以和胃。制肝獲効。蓋肝木肆橫。胃  
土必傷。醫治旣僻。津血必枯。唇赤舌絳咽乾。穀味卽變。

酸膩顯是胃汁受劫胃陰不復夫胃爲陽明之土非陰  
柔不肯協和與脾土有別故也

生牡蠣

阿膠

細生地

小麥

炒麻仁

炒麥冬

炙草

張<sup>五</sup>七脉小茲納穀腕中噎噎自述因乎悒鬱強飲則知木

火犯土胃氣不得下行所致議苦辛泄降法

黃連

鬱金

香淡豆豉

竹茹

半夏

丹皮

山梔

生姜

又前方泄厥陰通陽明爲衝氣吐涎腕痞不納穀而設

且便難艱阻胸脹悶上下交阻有年最慮關格與進退

黃連湯

江晨起腹痛。食穀微滿。是清濁之阻。按脉右虛左弦。不思飲食。脾胃困頓。都屬虛象。古人培土必先制木。倣以爲法。

人參 淡吳萸 淡乾姜 炒白芍 茯苓

周九五酒熱濕痰。當有年正虛。清氣少旋。遂致結秘。不能容納。食少。自述多鬱。易暈。議從肝胃主治。

半夏 川連 人參 枳實

茯苓 姜汁

王五噦逆舉發。湯食皆吐。病在胃之上脘。但不知起病之



因由。據云左。脇內結。癥聚肝木侮胃。明係情懷憂勞。以致氣鬱結聚。久病至。頗能安穀。非純補可知。泄厥陰以舒其用。和陽明以利其腑。藥取苦味之降。辛氣宣通矣。

川棟子皮

半夏

川連

姜汁

左牡蠣

淡吳萸

唐 痞逆惡心。是肝氣犯胃。食入卧着。痛而且脹。夜寐不安。亦是胃中不和。貴乎平肝養胃。致其復。若見有形衝逆之狀。攻代莖進。有痞滿成脹之患。

川連

神麴

吳萸

川棟子

查肉

鬱金

姚 寒熱嘔吐。脇脹脘痺。大便乾澇不暢。古云九竅不和。都屬胃病。法當平肝木。安胃土。更常進人乳姜汁。以益血潤燥。宜通午後議用大半夏湯。

人參

半夏

茯苓

金石斛

廣皮

菖蒲

胡氏 經後寒熱。氣衝欲嘔。忽又如饑。仍不能食。視其鼻準亮。欬汗氣短。多藥胃傷。肝木升逆。非上焦表病。

炙甘草

小生地

芝麻仁

阿膠

麥冬

白芍

牡蠣

又 照前方去牡蠣加人參

又衝陽上逆則煩不得安。仍是陰弱。夫胃是陽土。以陰爲用。木火無制。都係胃汁之枯。故腸中之垢不行。既知陰虧。不必強動大便。

人參

鮮生地

火麻仁

天冬

麥冬

炙草

徐氏經候適來。肢骸若撒。環口肉。咽蠕動。兩踝臂肘常冷。夫衝脉血下。蹻維脉怯。不用衝。隸陽明。厥陰對峙。因驚肝病。木乘土位。以致胃衰。初則氣升至咽。久則懶食。脘痞。昔人有治肝不應。當取陽明。陽明不闔。空洞若谷。厥氣上加。勢必嘔脹吞酸。然陽明胃腑。通補爲宜。剛藥畏

其劫陰少濟以柔藥法當如是

人參 二錢

半夏

姜汁炒

茯苓

三錢

淡附子

七分

白粳米

五錢

木瓜

二錢

胃虛益氣而用人參非半夏之辛茯苓之淡非通劑矣少少用附子以理胃陽粳米以理胃陰得通補兩和陰陽之義木瓜之酸救胃汁以制肝兼和半夏附子之剛復此大半夏與附子粳米湯合方

張氏肝病犯胃心痛乾嘔不能納食肢冷泄瀉腑經陽失流展非虛寒也金鈴子散加川連烏梅桂枝生姜

徐氏屢屢墮胎下元氣怯而寒熱久嗽氣塞填胸湧吐涎

沫乃鬱勃嗔怒。肝胆內寄之相火風木。內震不息。犯胃則嘔逆吞酸。乘胸侵咽。必脹悶喉痺。漸漸昏迷欲厥。久延不已。爲鬱勞之病。此治嗽清肺。重鎮消痰。越醫越凶。考內經肝病主治三法。無非治用治體。又曰治肝不應當取陽明。蓋陽明胃土。獨當木火之侵侮。所以制其衝逆之威也。是病原治法大畧。安胃九椒梅湯送。鮑姬風泄已止。胃逆不納食。

人參

川連

烏梅

木瓜

川斛

橘紅

朱氏 嗔怒動肝。氣逆惡心。胸脇閃動。氣下墜欲便。是中下

二焦損傷不復約束之司失職擬進培土泄木法亦暫時之計

烏梅

乾姜

川連

川椒

人參

茯苓

川棟

生白芍

王氏寡居多鬱宿病在肝。邇日暑邪深入肝病必來犯胃。吐衄下利得止不思穀食心中疼熱仍是肝胃本症。況暑濕多傷氣分。人參輔胃開痞扶胃有益幸無忽致疲可也。

人參

川連

半夏

姜汁

枳實

牡蠣

又胃開思食。仍以制肝和胃。

人參

金石斛

半夏

枳實

茯苓

橘紅

呂氏季脇之傍。是虛里穴。今跳躍如梭。乃陽明絡空也。况衝脉卽血海。亦屬陽明所管。經行後而病忽變。前案申說已著。茲不復贅。大凡絡虛。通補最宜。身前衝氣欲脹。衝脉所主。病內經所謂男子內結七疝。女子帶下瘕聚。今也痛無形象。諒無結聚。祇以冷汗跣寒。食入惡心。鼻準明。環口色青。肝胃相對。一勝必一負。今日議理陽明之陽。佐以宣通奇脉。仲景於動氣一篇。都從陽微起見。

倣以爲法。

人參

茯苓

淡熟附子

生新艾

桂枝木

炒黑大茴

紫石英

生杜仲

朱氏

上冬用溫通奇經帶止經轉兩月間納穀神安今二

月初二日偶涉噤忿卽麻痺乾嘔耳聾隨卽昏迷如厥

診脉寸強尺弱食減少口味淡微汗此厥陰之陽化風

乘陽明上犯蒙脉清空法當和陽益胃治之

人參 一錢

茯苓 三錢

炒半夏 一錢

生白芍 一錢

烏梅 七分

小川連 二分

淡生薑 二分

廣皮白 一錢

此厥陰陽明藥也胃腑以通爲補故主之以大半夏



湯熱攤於上。故少佐姜連以瀉心肝為剷賊。參入白芍烏梅以柔之也。

又三月初五日。經水不至。腹中微痛。右脇蠕蠕而動。皆陽明脈絡空虛。衝任無貯。當與通補入絡。

人參一錢

當歸二錢

羌蔚子二錢

香附

醋炒一錢

茯苓三錢

小茴一錢

生杜仲

二錢

又照方去羌蔚杜仲加白芍官桂

某氏久有痛經。氣血不甚流暢。驟加暴怒傷肝。少腹衝氣

上犯。逆行於肺為欬。寒熱聲啞。脇中拘急。不飢不納。乃左升右降。不司轉旋。致失胃氣下行為順之旨。故肝用

言才下... 卷三  
宜泄胃腑宜通爲定例矣

鈎藤

丹皮

桑葉

半夏麴

茯苓

廣皮白

又 威喜丸

唐 積勞內傷。腕悶脇脹。嘔吐格拒。眩暈不得卧。陽挾內風暴張。恐其忽然癰厥。議通胃平肝法。

小川連

姜汁

半夏

牡蠣

川棟子

生白芍

江 拒按爲實。患目病來屬肝。痛必多嘔。大便秘滯。肝病及胃。當苦辛泄降。少佐酸味。

小川連

生淡乾姜 半夏

枳實

黃芩

生白芍

顧十五陽明脉衰形寒痞飢不食心痛洞泄兼嘔

人參

吳萸

茯苓

半夏

生姜

炒黃粳米

某勞怒傷陽氣逆血鬱致痛痞脹便溏風木侮土前方  
既效與通補陽明厥陰大半夏湯去蜜加桃仁栝子  
仁當歸姜棗湯法丸

某脉微小弱是陽氣已衰今年太陰司天長夏熱泄氣  
分不食不運味變酸苦脾胃先受困也稍涉嗔怒木乘  
土中益加不安從東垣培土制木法

人參

廣皮

茯苓

益智

木瓜

淡姜渣

夏

通補陽明，開泄厥陰。

人參

半夏

茯苓

橘紅

吳茱

白芍

肝脾

汪氏

氣滯脾弱。

逍遙散加鬱金砂仁末

肝脾

席

大便秘結，腹中猶痛，食入有欲便之意，胃陽未復，肝

木因時令尚橫，用泄木安土法

人參

木瓜

厚朴

茯苓

益智仁

青皮

江鎮衝任。溫養下焦。頗效。所議治嗽肺藥。寒涼清火。背謬顯然。

炒黑杞子 淡荵蓉 小茴香拌炒當歸

沙苑 石殼建蓮 茯神 紫石英煎湯

又動怒。腕下痛。不飲食。是肝厥犯脾胃。病外生枝。最非善調之理。理氣皆破。泄難用。議進制肝木益胃土一法。

人參一錢 炒焦白芍半錢 真伽南香汁中五

炒焦烏梅三分酸 茯苓五錢切小塊 化橘紅五分宜

又人參 嫩鈎藤 明天麻 化橘紅

炒烏梅肉 茯苓 伽南香

肝胆胃

醫部全錄卷三

朱 胃弱痰多補虛宜通肝陽易升左頰赤佐泄少陽

人參 炒半夏 茯苓 鈎藤

經霜桑葉 煨姜 南棗

胆脾

范五 脾竅開舌舌出流涎為脾病剋脾者少陽胆木以養

脾泄胆治

人參 於朮 天麻 姜黃

桑葉 丹皮

某 補太陰泄少陽

人參 茯苓 焦朮 炙草

廣皮 白芍 炒丹皮 桑葉

又照方去甘草桑葉加木瓜

李五寸少陽木火犯太陰之土持齋淡薄中虛熱灼以補脾

和肝爲久長調理四君子加苓芍桑葉丹皮

金能食遲遲舌紋裂左頤肉腫不喜飲水太陰脾陽鬱法當補土泄木

於朮 茯苓 新會皮 炙草

煨益智 柴胡 丹皮 白芍

張二九脉小弱是陽虛體質由鬱勃內動少陽木火木犯太

陰脾土遂致寢食不適法當補土泄木

人參一錢半 白朮一錢半 半夏一錢 茯苓二錢 甘草五分

廣皮 一錢 丹皮 二錢 桑葉 一錢 姜 一錢 棗 二錢

肝爲風木之臟。又爲將軍之官。其性急而動。故肝臟之病。較之他臟爲多。而於婦女尤甚。肝病必犯土。是侮其所勝也。本臟現症。仲景云。厥陰之爲病。消渴。氣上撞心。心中疼熱。飢而不欲食。食則吐蚘。下之利不止。又內經所載肝病。難以盡述。大凡其脉必弦。脇或脹。或疼。偏寒偏熱。先厥後熱。若一犯胃。則惡心乾嘔。皖痞不食。吐酸水涎沫。肝脾則腹脹。便或澀或不爽。肢冷肌麻。案中治法。有陰陽虛實之殊。畧舉而敘述之。若肝陰胃陰未虧。肝陽亢逆犯胃。先生立法。用藥



則遠桑用剛泄肝如吳萸椒桂通胃如半夏姜汁姜  
附加益智枳朴等則兼運脾陽中虛必用人參故大  
半夏湯附子粳米湯進退黃連湯瀉心法治中法溫  
胆等湯是也若肝陰胃汁已虛木火熾盛風陽擾胃  
用藥忌剛用柔養肝則阿膠生地白芍麻仁木瓜養  
胃則人參麥冬知母粳米秫米等是也至於平治之  
法則剛柔寒熱兼用烏梅丸安胃九逍遙散若四君  
六君異功戊己則必加泄肝之品用桑葉丹皮者先  
生云桑葉輕清清泄少陽之氣熱丹皮苦辛清泄肝  
胆之血熱用金鈴子散者川楝苦寒直泄肝陽延胡

尚理氣滯血滯之痛。此皆案中綱領也。余另分此一門者。因嘔吐不食。脇脹腕痞等恙。恐醫者但認爲脾胃之病。不知實由肝邪所致。故特爲揭出。以醒後人之目耳。且世人但知風勞臆膈爲四大重症。不知土敗木賊。肝氣日橫。脾胃日敗。延至不救者多矣。可不究心於此哉。華岫雲

# 腫脹

某五  
一食穀不運。臍脹嘔惡。大便不爽。脉弦色黃。此胃陽式微。升降失司使然。法當溫通陽氣。

吳茱 八分

半夏 三錢

草撥 一錢

淡乾姜 一錢

生姜汁 五分

廣皮白 一錢半

陳三  
八診脉右大而緩。左如小數促。冬季寒熱身痛。汗出即解。自勞役飢飽。嗔怒之後。病勢日加。面浮足腫。呼吸皆喘。目淚鼻衄。卧着氣衝。欲起食納隔中不運。時序交夏。脾胃主候。靛色脉情形。中滿脹病日來矣。蓋此症屬勞

倦致損。初病卽在脾胃。東垣云。胃爲衛之本。脾乃營之源。臟腑受病。營衛二氣晝夜循環失度。爲寒爲熱。原非瘰癧。半表半裏之症。斯時若有明眼。必投建中而愈。經言勞者溫之。損者益之。建中甘溫。令脾胃清陽自立。中原砥定。無事更遷。仲景亦謂男子脉大爲勞。則知內經仲景東垣垂訓。真規矩準繩至法。且汗泄積勞。都是陽傷。醫藥辛走劫陽。苦寒敗胃。病人自述欲蔭。卽中脘不舒。頃之少腹急痛便稀。其胃陽爲苦辛大傷。明甚。又述咳頻。衝氣必自下上逆。夫衝脉隸於陽明。胃陽傷極。中乏坐鎮之真氣。衝脉動。則諸脉交動。瀾陰散漫。上布此

卧着欲起矣。愚非遙指其脈。正合內經濁氣在上則生  
臌脹。太陰所至爲腹脹相符也。昔有見痰休治痰見血  
休治血。常以病因傳變推求。故辨論若此。

厚朴

杏仁

人參

茯苓

蜜煨姜

南棗

厚朴杏仁。取其能降氣。參苓姜棗。取其建立胃中之  
清陽。而和營衛也。

脾陽虛

吳二  
四  
單腹滿少。溫通頗適。常用大鍼沙丸一錢二分。八服

某  
食下臌脹。舌黃。常治脾陽。

生白朮

半錢

廣皮

一錢

茯苓

三錢

厚朴

一錢

木瓜

五分

淡附子

七分

徐九攻痞變成單脹脾陽傷極難治之症

生白朮

熟附子

茯苓

厚朴

生乾姜

錢 食入腹脹已五十日且痛必有形攻動頭中微痛夫痞滿屬氣痛因氣滯二便既通其滯未必在乎腸胃從太陰脾陽傷以辛溫開泄主之

桂枝

生白芍

淡乾姜

厚樸

又 照方去白芍加生益智仁茯苓

楊五 十飲酒聚濕太陰脾陽受傷單單腹脹是濁陰之氣壅結不宜通二便不爽治以健陽運濕

生薑木

草蓂

附子

廣皮

厚朴

茯苓

華撥

猪苓

吳三食下腹脹便澇不爽肢木不仁此脾陽困頓不能默運使然溫通中陽為主

白朮 三錢

附子 一錢

炮姜 半錢

桂枝木 一錢

茯苓 三錢

華撥 一錢

七俗語云膏梁無厭發瘰疽淡泊不堪生腫脹今素有脫痛氣逆嘔吐漸起腫脹乃太陰脾臟之陽受傷不司鼓動運行陰土宜溫佐以制水治

生於朮

茯苓

廣皮

椒目

厚朴

益智仁

良姜

某六女脉弦。脹滿不運。便泄不爽。當溫通脾陽。

草果仁

錢一

茯苓皮

錢三

大腹皮

錢三

廣皮

錢一

青皮

錢一

厚朴

錢半

木猪苓

錢半

椒目

五分

吳 寒熱傷中。腹微滿。舌白。用治中法。

人參

益智

廣皮

茯苓

澤瀉

金斛

木瓜

周五久嗽四年。後失血。乃久積勞傷。酒肉不忌。濕鬱脾陽。

為脹。問小洩僅通。大便仍滯。濁陰乘陽。午後夜分尤劇。

生於朮

熟附子



陳<sup>五</sup>積勞。脾陽傷。食下脹足腫。

生白朮

茯苓

熟附子

草菓仁

厚朴

廣皮

某躬耕南畝。曝於烈日。漬於水土。暑濕內蒸。爲瀉痢邪。去正傷。臨晚。跗腫腹滿。乃脾陽已困。清氣不司運行。濁陰漸爾竊據。內經病機。諸濕腫滿。皆屬於脾。

生白朮

草菴

茯苓

厚朴

附子

澤瀉

鄒<sup>三</sup>九深秋霍亂轉筋。必有暴冷傷及脾胃。病機一十九條。河間皆謂熱。亦屬偏見。愈瀉愈脹。豈是實症。夫酒客之

脾胃陽虛

濕皆脾胃陽微不運致濕邪凝聚氣壅成脹見脹滿微投攻下不究致病之因故曰難調之症

生白朮

草菓

熟附子

厚朴

廣皮

茯苓

陳四苦寒多用。胃陽久傷。右脇痛嘔酸濁。皆濁陰上干用。

辛甘溫中補虛痛減病人述早上腹寬暮夜氣緊微硬大便不爽有卑腹脹之憂

人參

生白朮

茯苓

肉桂

歸身

益智

廣皮

煨姜

趙五胸腹脹滿久病痰多

生白朮二兩 茯苓二兩 厚朴一兩 肉桂五錢 姜汁九

本草云。厚朴與白朮能治虛脹。倣潔古枳朮之意也。

佐茯苓通胃陽。肉桂入血絡。則病邪可却矣。

楊 脉沉小弦。中年已後。陽氣不足。痰飲水寒。皆令逆趨。

致運納失和。漸有脹滿浮腫。法以辛溫宣通。以本病屬

脾胃耳。

人參一錢 茯苓三錢 白芍一錢 淡附子一錢 姜汁三分

倪二腹裏膨。便不爽。腑陽不行。

生益智 茯苓 生穀芽 廣皮

砂仁殼 厚朴

又六腑不通爽。凡濁味食物宜忌。

雞肫皮 麥芽 山查 砂仁 陳香櫟

又脉沉小緩。早食難化。晚食夜脹。大便不爽。此腑陽久傷。不司流行。必以溫藥。疎通忌食。閉氣粘輦。

生白朮 附子 厚朴 草菓

茯苓 廣皮白 枳榔汁

腎陽虛

浦四九腎氣湯。五苓散。一攝少陰。一通太陽。濁泄溺通。腹滿

日減。不爲錯悞。但虛寒脹病。而用溫補。閱古人調劑。必是通法。蓋通陽則濁陰不聚。守補恐中焦易鈍。喻氏謂能變胃而不受胃變。苟非純剛之藥。曷勝其任。議於暮

夜服玉壺丹五分晨進

人參

半夏

姜汁

茯苓

枳實

乾姜

陳六老人脾腎陽衰。午後暮夜陰氣用事。食納不進。腸鳴臍脹。時泄。治法初宜剛劑。俾陰濁不滯。陽乃復辟。

人參

一錢半

淡附子

一錢

淡乾姜

八分

茯苓

三錢

炒兔絲

三錢

胡蘆巴

一錢

此治陽明之陽也。若參入白朮甘草。則兼走太陰矣。

某

七

腫脹由足入腹。診脉細軟。不能運穀。當治少陰太陰。

生白朮

厚朴

茯苓

淡附子

淡乾姜

草撥

馬<sup>三</sup>暮食不化。黎明腹泄。乃內傷脾。脹之症。脾腎之陽積弱。據理當用腎氣丸。

顧<sup>四</sup>脉微而遲。色衰萎黃。蟹爲介屬。鹹寒沉降。凡陽氣不足者。食之損陽。其致病之由。自試二次矣。久利久泄。古云無不傷腎。今浮腫漸起自下。是水失火而敗。若非煖下。徒見泄瀉有紅。爲脾胃濕熱。必致中滿敗壞。

生茅朮

熟地炭

熟附子

淡乾姜

茯苓

車前

某脾腎虛寒多瀉。由秋冬不愈。春木已動。勢必尅土。腹

滿。小便不利。乃腫病之根。若不益火生土。日吃疲藥。焉能却病。

人參

白朮

附子

生益智

兔絲子

茯苓

腎陽虛

姚四八入據說情懷不適。因嗔怒痰嗽有血。視中年形瘁肉消。

漸漸腹脹跗腫。下午漸甚。陽氣日奪。早服腎氣丸三錢。

晝服五苓散。

殷氏

行動氣墜於下。卧着氣擁於上。此跗腫晝甚。頭脹夜

甚。總是中年陽微。最有腹大喘急之事。

濟生丸

十服

某陽微陰結。腫脹。

附子

苡仁

白朮

木防已

澤瀉

細辛

和肝胃不

朱 陽明胃逆。厥陰來犯。丹溪謂上升之氣。自肝而出。清

金開氣。亦有制木之功能。而痛脹稍緩。議以溫胆加黃

連方

半夏

茯苓

橘紅

枳實

竹茹

川

三白芍

某二 舌微黃。腹逆。脘胸悉脹。當和肝胃。

桂枝木

乾姜

青皮

吳萸

川棟子

炒半夏



秦 兩年初秋發瘍。脉絡氣血不爲流行。而腹滿重。墜卧。則頗安。臍左動。氣卧則尤甚。吐冷沫。常覺冷氣。身麻。語塞。肝風日熾。踈泄失職。經以肝病吐涎沫。木侮土位。自多腹脹。丹溪云。自覺冷者。非真冷也。兩次潰瘍之後。剛燥熱藥。似難進。商議以宣通肝胃爲治。有年久恙。貴乎平淡矣。

雲茯苓

三錢

三角胡麻

搗碎滾水洗  
十次三錢

厚橘紅

一錢

嫩鈎藤

錢

熟半夏

炒黃一錢半

白旋覆花

一錢

濾清服一杯

四帖

又 接服大半夏湯

肝鬱  
胃兼

方五九診脉百至右緩瀉左弦勁始而腸鳴泄氣由漸腹滿

熟牛夏

錢半

雲苓

五錢

姜汁

四分

人參

同煎一錢

臌脹納食幾廢便難溺少此皆情懷少曠清氣不轉肝木侵侮胃土腑陽窒塞脹滿日甚據云先因胃脘心下痛症氣鬱顯然非旦晚圖功之象議河間分消法

杏仁

厚朴

海金沙

陳香櫟

鬱金

萊菔子

木通

雞肫皮

王三食入不運脘中臌脹病由怙鬱經年不愈視色黃形瘦按脉小而清喜涼飲欲惡熱大便未經通調九竅不和皆胃病矣

川連

雞肫皮

枳實

麝皮

桔梗

瓜蒌實

半夏

萊菔子

鬱金

杏仁

姜汁竹瀝丸

楊十

四

肝鬱乘胃爲脹。經年內結有形。用緩消一法。

生茅朮

雞肫皮

川連

生厚朴

淡姜渣

針砂

製

椒目湯法丸

畢

濕熱由腑滯及腸中。大便不爽。食入不適。平昔肝木

易動。厥陰不主疎泄。少腹形脹。無非滯氣之壅。久則凝

瘀日踞。

小溫中丸三錢十服

程十脉右弦面黃腹滿。按之漉漉有聲。每大便先腹痛。便

不能乾爽。此胃氣不降。陽氣自滯。由乎嗔怒不息。肝木橫逆。踈泄失司。腹脹之來。皆由乎此。議泄肝通膈。濁宣脹減之義。

杏仁

紫厚朴

猪苓

鬱金

椒目

檳榔汁

接服小溫中丸

某五不飢不運。少腹胃脘悉滿。診脉左弦。乃肝木犯胃。二腑不主流行。濁陰漸次瀰漫。他日單脹之作。竟有難以杜患者。速速戒惱怒。安閑自在。誠治斯疾之良圖。

小溫中丸一錢五分開水送下

夏

夏四月。脾胃主氣。嗔怒拂鬱。無不動肝。肝木侮土而

脾胃受傷。鬱久氣不轉舒。聚而爲熱。乃壯火害氣。宜平  
減食膜脹矣。當作木土之鬱調治。桂附助熱。黃地滋滯。  
鬱熱益深。是速增其病矣。

鈎藤

丹皮

黑山梔

川連

青皮子

紫厚朴

萊菔子

麻皮白

薄荷梗

又脹勢已緩。脈來弦實。此濕熱猶未盡去。必淡泊食物。  
清肅胃口。以清滲利水之劑。服五六日再議。

猪苓

澤瀉

通草

海金沙

金銀花

茯苓皮

黑穉豆皮

又診脈浮中沉來去不爲流利。氣阻濕鬱。膠痰內着。議

用控涎丹六分緩攻

又服控涎丹大便通而不爽診右脉弦實目黃舌燥中焦濕熱不行因久病神憊不敢過攻議用丹溪小溫中丸每服三錢乃泄肝通胃以緩治其脹

謝形神勞煩陽傷腑氣不通疝瘕陰濁從厥陰乘犯陽明胃爲陰濁蒙閉腸中氣窒日甚年前邪勢頗緩宜絡可效今閉錮全是濁陰若非辛雄剛劑何以直突重圍脹滿日增人力難施矣

生炮川烏頭 生溪川附子 淡乾姜 淡吳茱

川楝子 小茴香 豬胆汁

唐氏 紫苑

杏仁

通草

鬱金

黑山梔

又三焦不通。腕痺腹脹。

便皆秘。前方用開手太陰肺。

苦辛潤降。小溲得利。兼運小溫中丸泄肝平胃。脹勢什

減有五。但間日寒熱復來。必是內鬱之氣。陽不條達。多

寒戰慄。議用四逆散和肝其小溫中丸仍用。

生白芍

枳實

柴胡

黃芩

半夏

杏仁

竹茹

生姜

張姬 腹鼓臙脹。大便不爽。得緩氣稍快。乃陽氣不主流行。

蓋六腑屬陽。以通爲補。春木地氣來升。土中最畏木乘。

勢猖熾。治當泄木安土。用丹溪小溫中丸。每服三錢。

肝犯胃  
陽虛

張氏用鎮肝逆理胃虛方法。脉形小弱。吐涎沫甚多。仍不納穀。周身寒涼。四肢微冷。皆胃中無陽。濁上僭踞而爲臘脹。所謂食不得入。是無火也。

人參 吳萸 乾姜 附子

川連 茯苓

木鬱氣  
滯血

十三噎怒。氣血逆亂。右脇不和。夜食嚔噫。臘脹。乃肝胃病。治以解鬱宣通氣血。

鈎藤 丹皮 桑葉 生香附

茯苓 神麴 降香末 炒黑查肉

徐平素肝氣不和。脇肋少腹臘脹。氣血不調。痰飲漸聚。



厥陰陽明同治。

桃仁

延胡

歸尾

小茴

香附

半夏

茯苓

橘紅

神麴

馬三脈實。久病痰熱在血胸不爽。小腹墜能食不渴二便

噎少兩進苦辛宣肺病未能却此屬血病用通幽法

桃仁

郁李仁

歸尾

小茴

紅花

製大黃

桂枝

川棟子

又晝日氣墜少腹夜卧不覺其則頭昏胸悶今年五月

初用疎滯繼通三焦續進通幽其墜脹仍若議辛香流

氣法

川棟子

延胡

小茴

黑山梔

青木香

橘核

生香附磨汁法丸

董

初因下血轉痢繼而大便秘艱自左脇下有形漸致

脹大堅滿小便自利病在血分久病兩年形瘦氣短不

敢峻攻若五積成例議用古禹餘糧丸每日一錢

鄭氏

得食腹痛上及心膈下攻少腹甚至筋脹擾於周身

經絡之間大便欲解不通暢此乃腸胃氣阻故痛隨利

減神保丸一錢

肝  
脾

張

脉左弦右浮滿始因脫痛貫脇繼則腹大高凸納食

減少難運二便艱澀不爽此乃有年操持勞慮太甚肝

木拂鬱脾土自困清濁混淆脹勢乃成蓋臟真口滿脾陽不運考古治脹名家必以通陽爲務若滋陰柔藥微加桂附凝陰泄濁豈是良法議用局方禹糧丸煖其水臟攻其穢濁俟有小效兼進通陽剛補是爲虛症內傷脹滿治法至於攻瀉劫奪都爲有形而設與無形氣傷之症不同也局方禹餘糧丸

肝犯脾

陳媛久蘗傷及脾胃之陽面無華色納粥欲嘔大便路泄氣陷則跗腫氣呆則脘悶有中滿之憂用治中法

人參

生益智

煨姜

茯苓

木瓜

炒廣皮

肝脾不和  
和火暑

程女  
脉數惡心腕脹

炒半夏

廣皮

藿香

黃連一分  
煎水拌

茯苓

鬱金

又暑傷脾胃則肝木犯土左腹膨泄瀉

人參

厚朴

廣皮

炒澤瀉

茯苓

木瓜

炙草

炒查肉

又人參

炒柴胡

炒白芍

炒黃芩

茯苓

炙草

生薑

大棗

木火犯土

宋食入脘脹此屬胃病視色蒼形瘦自述飲酒嘔吐面

得又述耳鳴肉腫是木火犯中鬱勃病甚議用逍遙裁

白朮合左金方

朱<sup>三</sup>四瘰癧馬刀都是肝胆爲病病久延及脾胃腹滿便澀舌黃微渴非溫補可服泄木火以疎之和脾胃以調之冀其脹勢稍減

吳萸拌川連 生於朮 川棟子 炒山查

黑山梔 厚朴 青皮 椒目

唐<sup>女</sup>氣脹三年近日跌仆嘔吐因驚氣火更逆胸臆填塞脹滿二便皆通自非質滯喜涼飲而起瘰癧從病能篇驟脹屬熱

川連 淡黃芩 半夏 枳實

肝犯脾  
胃陽虛  
有濕

乾姜

生白芍

鐵鏽汁

顏三六

今年風木加臨。太陰陽明不及。遂爲臌脹。小便不利。

兩跗皆腫。大便濇滯。治在腑陽。用分消湯方。

生於朮

茯苓

澤瀉

猪苓

厚朴

椒目

海金沙湯煎

吳金歲厥陰司天加臨。驚蟄節。病腹滿喘促。肢腫而浮。

寒熱汗出。皆木乘土位。清陽不得舒展。濁氣痞塞僭踞。

故泄氣少寬。姑擬通腑以泄濁。

生於朮

茯苓

椒目

紫厚朴

澤瀉

淡薑渣

肝脾不和  
清陽  
痺結

朱九四鬱勃久坐。中焦不運。寒熱。小溲不通。腹膨脹滿。脉小。

而瀉。全是腑陽失司。與泄木通腑分消法。

四苓加椒目厚朴大腹皮青皮

陳壯盛年歲。形消色奪。診脉右小促。左小弦勁。病起上  
年秋季。腕中卒痛。有形梗突。病後陡遇驚觸。漸次食減。  
不適。食入不運。停留上脘。腹形脹滿。甚則脇肋皆脹。四  
肢不煖。暮夜漸溫。大便旬日始通。便後必帶血出。清早  
未食。自按臍上氣海。有瘕形甚小。按之微痛。身動飲水。  
寂然無踪。天氣稍冷。爪甲色紫。細推病屬肝脾。氣血不  
通。則爲鬱遏。久則陽微痺結。上下不行。有若否卦之義。

閱醫藥或消或補。總不見效者。未知通陽之與耳。

薤白

桂枝

瓜蒌仁

生姜

半夏

茯苓

又

薤白汁

桂枝木

瓜蒌實

川楝子皮

半夏

茯苓

歸鬚

桃仁

延胡

姜汁

二汁法九

某

脹滿對腫。小溲短澇不利。便泄不爽。當開太陽爲主。

濕濁  
滯小溲  
不行當  
開太陽

五苓散加椒目

某

六七

少腹卑脹。二便通利稍舒。顯是腑陽窒痺。濁陰凝結。

所致。前法專治脾陽。宜乎不應。當開太陽爲要。



五苓散加椒目

鄭 兩投通裏竅法。痛脹頗減。無如陰陽不分。古絳煩渴。不欲納穀。想太陽膀胱不開。陽明胃不司闔。法當仍與通陽腑爲要。但五苓桂朮斷不適用。議用甘露飲意。

猪苓

茯苓

澤瀉

寒水石

椒目

炒橘核

程 今年長夏久熱。熱勝陽氣外泄。水穀運遲。濕自內起。漸漸浮腫。從下及上。至於喘咳不能卧息。都是濁水凝痰。阻遏肺氣下降之司。但小溲不利。太陽氣亦不通調。此雖陽虛症。若腎氣湯中萆地之酸膩。力難下行矣。

茯苓

桂枝木

杏仁

生白芍

乾姜

五味

生牡蠣

澤瀉

馬<sup>五</sup>初起胸痺嘔吐入夏跗腫少腹悉腫食穀不運瘦短不利此陽氣式微水穀之濕內蘊致升降之機失司當開太陽姑走濕邪

猪苓<sup>三錢</sup>

桂枝木<sup>八分</sup>

茯苓皮<sup>三錢</sup>

澤瀉<sup>一錢</sup>

防已<sup>一錢半</sup>

厚朴<sup>一錢</sup>

四帖

耶<sup>六</sup>六齡穉年夏至濕熱外薄所食水穀之氣蒸爲濕滯阻遏氣機脾不轉運水道不通腹筭滿脹幼科但知消導不曉通腑泄濕致脾氣大困泄瀉不分陰陽參苓之

補僅救消滌之害不能却除濕滯故雖受無益於病病根都在中宮泄肝以安胃分利以通腑必得小溲頻利冀有中欬之機

猪苓

澤瀉

海金沙

通草

椒目

濕象三焦肺氣不降

吳平昔濕痰阻氣爲喘茲因過食停滯陰臟之陽不運陽腑之氣不通二便不爽跗腫腹滿診脉沉弦猶是水寒痰滯阻遏氣分上下皆不通調當從三焦分治頃見案頭一方用兔絲子升少陰吳茱萸泄厥陰不知作何解釋不敢附和仍用河間分消定議

大杏仁

萊菔子

猪苓

澤瀉

葶藶子

厚朴

桑白皮

廣皮

細木通

又三焦分消。泄肝通腑。二便不爽如昔。診脉浮小帶促。聞聲呼息不利。是氣分在上結阻。以致中下不通。喘脹要旨。開鬼門以取汗。潔淨腑以利水。無非宣通表裡。務在治病源頭。據脉証參詳。急急開上為法。合金匱風水反登義矣。

麻黃

杏仁

石膏

甘草

苡仁

朱初因面腫。邪干陽位。氣壅不通。二便皆少。桂附不應。卽與導滯。滯屬有質。濕熱無形。入肺為喘。乘脾為脹。六腑開合皆廢。便不通爽。溺短渾濁。時或點瀉。視其舌絳。

口渴。腑病背脹。臟病腹滿。更兼倚倒左右腫脹。隨着處  
爲甚。其濕熱布散三焦。明眼難以決勝矣。經云從上之  
下者治其上。又云從上之下。而甚於下者。必先治其上。  
而後治其下。此症逆亂紛更。全無頭緒。皆不辨有形無  
形之誤。姑以清肅上焦爲先。

飛滑石

一錢半

大杏仁

去皮尖  
十粒

生苡仁

三錢

白通草

一錢

鮮枇杷葉

刷淨毛去筋手  
內揀葉三錢

茯苓皮

三錢

淡豆豉

一錢半

黑山梔殼

一錢

急火煎五分服

此手太陰肺經藥也。肺氣窒塞。當降不降。杏仁微苦  
則能降。滑石甘涼。滲濕解熱。苡仁通草。淡而滲氣分。

枇杷葉辛涼。能開肺氣。茯苓用皮。謂諸皮皆涼。梔豉宣其陳腐鬱結。凡此氣味俱薄。爲上焦藥。做齊之才。輕可去實之義。

某暴腫氣急。小洩瀉少。此外邪壅肺。氣分不通。治當從風水皮水。宣其經隧。以能食能寢爲佳。勿得誅伐無過之地。

前胡

蜜炙麻黃

牛蒡子

姜皮

紫苑

杏仁

茯苓皮

廣皮

下焦寒濕流經

王脾尻微腫。小腿下膝腫甚。乃腑陽不行。病甚於募。宜辛香通其經腑之鬱。

生於朮

炮川烏

北細辛

茯苓

漢防已

川獨活

又中滿用餘糧丸獲效。得煖下泄濁之力。腹脹已去。而  
髀尻足跗肌肉腫浮。夫臟寒生滿病。煖水臟之陽。培火  
生土是法。究竟陽未全復。四末流行未布。前議幽香通  
其下焦經脉。果得腫減。議用加味活絡丹。

炮川烏

乾地龍

乳香

沒藥

北細辛

桂枝木

用油松節三兩酒水各半煎汁法丸

汪

腫自下起。脹及心胸。遍身肌膚赤癢。溺無便滑。濕熱

蓄水橫漬經隧。氣機閉塞。呻吟喘急。濕本陰邪。下焦先

濕熱  
寒經

受醫用桂附芩朮邪蘊化熱充斥三焦以致日加凶危也

川通草一錢半 海金沙五錢 黃柏皮一錢半 木猪苓三錢

生赤豆皮一錢半 真北細辛一分

又前法腫消三四仍以分消

川白通草 猪苓 海金沙 生赤豆皮

葶藶子 茯苓皮 晚蚕沙

又聞日寒戰發熱渴飲此爲癰乃病上加病飲水結聚以下痛脹不敢用湧吐之法暫與開肺氣壅遏一法

大杏仁 蜜炒麻黃 石膏



又濕邪留飲發紅瘰胸聚濁痰消渴未已用木防已湯

木防已一錢石膏三錢杏仁三錢苡仁二錢

飛滑石一錢半寒水石一錢半通草煎湯代水

陳進神芎導水丸二日所下皆粘膩黃濁形色余前議  
腑氣窒塞水濕枯滯濁攻犯肺為痰嗽水漬脉隧為浮  
腫大凡經脉六腑之病總以宣通為是內經云六腑以  
通為補今醫不分臟腑經絡必曰參朮是補豈為明理  
然肢節足跗之濕出路無由必鍼刺以決其流此內外  
莫可皆安戊巳丸三錢用二日後再進前藥一服

薛九腹滿下至少腹三陰都已受傷而周身疥瘡數年不

斷脉絡中必有濕熱。就腹痛泄瀉。腑陽不通。不獨偏熱偏寒之治。常用四苓散。

猪苓 三錢 茯苓 三錢 澤瀉 一錢 生於朮 一錢 椒目 五分

氣 濕熱脚

倪 濕熱脚氣。上攻心胸。腕中滿脹。嘔逆。乃濕上甚為熱。

化。與苦辛先平在上之滿脹。用瀉心法。

川連 黃芩 枳實 半夏

姜汁 杏仁

濕熱

湯 囊腫腹脹。此屬滯濕。

茯苓皮 游金沙 白通草 大腹皮 莢

厚朴 廣皮 猪苓 澤瀉

木火入絡

某三性躁氣有餘便是火。肝胆中木火入絡成形爲脹。便

溺皆赤。喉痛聲嘶痰血。肝病過膈犯肺。久延爲單腹脹

難治。小溫中丸三錢

氣逆入絡

吳五氣逆膈脹。汨汨有聲。已屬絡病。難除病根。

老蘇梗 生香附 厚朴 白蔻仁

土瓜萐 桔梗 枳殼 黑山梔

陽虛單腹濁陰

汪脉右瀟左弱。面黃瘦露筋。乃積勞憂思傷陽。濁陰起

於少腹。漸至盤踞中宮。甚則妨食嘔吐。皆單鼓脹之象

大著。調治最難。欲驅陰濁。急急通陽。

乾姜 附子 豬苓 澤瀉 椒目

又 通太陽之裏。驅其濁陰。已得脹。臍腹緩。知身中真陽。向爲羣藥大傷。議以護陽。兼以泄濁法。

人參

塊茯苓

生乾姜

淡附子

澤瀉

又 陰濁盤踞中土。清陽蒙閉。腹滿臍脹。氣逆腹痛。皆陽氣不得宣通。濁陰不能下走。擬進白通法。

生乾姜

生炮附子

冲猪胆汁

黃三停滯單脹。並不渴飲。晝則便利不爽。夜則小溲畧通。此由氣分鬱抑。致中焦不運。先用大針砂丸。每服一錢五分。煖其水臍。以泄濁。

某 向有宿病。夏至節一陰來復。連次夢遺。遂腹形堅大。

二便或通或閉。是時右膝癱腫潰瘍。未必非濕熱留阻經絡所致。診脉左小弱。右緩大。面色青。戒鼻準明亮。納食必腹脹愈加。四肢惡冷。熱自裏升。甚則衄血牙宣。全是身中氣血交結。固非積聚停水之脹。考古人於脹症。以分清氣血為主。止痛務在宣通。要知攻下皆為通腑。溫補乃護陽以宣通。今者單單腹脹。當以脾胃為病藪。太陰不運。陽明愈鈍。議以緩攻一法。

川桂枝

錢一

熟大黃

錢一

生白芍

半錢

厚朴

錢一

枳實

錢一

淡生乾姜

錢一

三帖

又診脉細小。右微促。畏寒甚。右脇中氣觸入小腹。着卧

卽有形墜者議用局方禹餘糧丸煖水臑以通陽氣。

早晚各服一錢流水送

八服

又脉入尺弦勝於數元海陽虛是病之本肝失踈泄以致臙脹是病之標當朝用玉壺丹午用踈肝實脾利水分消太陽太陰之邪

紫厚朴

炒一錢半

縮砂仁

炒研一錢

生於朮

二錢

猪苓

一錢

茯苓

塊三錢

澤瀉

一錢

又

脉弦數手足畏冷心中兀兀中氣已虛且服小鍼砂

丸每服八十粒開水送

二服

以後藥壓之

生於朮

雲茯苓

廣皮

煎湯一小杯後服

又脉如瀉。凡陽氣動則遺右脇汨汨有聲。墜入少腹。可知腫脹。非陽道不利。是陰道實。水穀之濕熱不化也。議用牡蠣澤瀉散。

左牡蠣四錢 澤瀉一錢 花粉一錢 川桂枝木五分

茯苓三錢 化氣 紫厚朴一錢 午服

又脉數實惡水。午後手足畏冷。陽明中虛。水氣聚而為飲也。以苓桂朮甘湯劫飲。牡蠣澤瀉散止遺逐水。

照前方去花粉加生朮三錢

又手足畏冷。不喜飲水。右脇汨汨有聲。下墜少腹。脉雖數而右大左弦。信是陽明中虛。當用人參熟附生姜溫

經補虛之法。但因欲回府調理數日。方中未便加減。且用前方調治太陽太陰。

生於朮

錢三

左牡蠣

錢生四

澤瀉

錢炒一

雲苓

錢三

生益智

錢四

桂枝朮

錢四

炒厚朴

錢一

午後食遠服

朝服小溫中丸五十粒。開水送。仍用三味煎湯壓之。

脾胃氣  
窒不和

楊十

味過辛酸。脾胃氣傷結聚。食入則脹滿。曾服礞石大

黃丸滯濁既下不愈。病不在乎腸中。前賢治脹治滿。必

曰分消。攻有形不效。自屬氣聚為瘕。疎胃宜清。調脾當

暖。此宗前賢立法。

生茅朮

廣皮

丁香皮

黃柏

草豆蔻



川黃連

厚朴

茯苓

澤瀉

水法丸

腫脹證大約腫本乎水脹由乎氣。脾分陽水陰水。其有因風因濕因氣因熱外來者爲有餘。卽爲陽水。因於大病後。因脾肺虛弱。不能通調水道。因心火尅金。肺不能生腎水。以致小便不利。因腎經陰虧。虛火燥肺。金而漸少。誤用行氣分利之劑。漸至喘急痰盛。小水短赤。釀成腫證。內發者爲不足。卽爲陰水。若脹病之因更多。所脹之位各異。或因濕因鬱因寒因熱。因氣因血。因痰因積。因重。皆可爲脹。或在臟在腑。在脉絡在皮膚。在身之上下。表裡皆能作脹。更或始因於

寒久鬱爲熱。或始爲熱中。未傳寒中。且也。脹不必兼  
腫。而腫則必兼脹。亦有腫脹同時並至者。其病形變  
幻不一。其病機之參伍錯綜。更難敘述。故案中諸症。  
有濕在下者。用分利。有濕在上中下者。用分消。有濕  
而着裏者。用五苓散。通達膀胱。有濕鬱熱兼者。用半  
夏瀉心法。苦辛通降。有濕熱氣鬱積者。用雞金散。加  
減。消利並行。有氣血鬱積。夾濕熱之邪。久留而不散  
者。用小溫中丸。清理相火。健運中州。有濕熱與水寒  
之氣交橫。氣喘溺少。通身腫脹者。用禹餘糧丸。崇土  
制水。煖下泄瀉。有寒濕在乎氣分。則用姜附。有寒濕

入於血分。則用桂附有濕上甚爲熱則用麻杏膏以  
等味。清肅止焦之氣。有濕下着爲痺則用加味活絡  
等劑。宜通下焦之鬱。有藉乎薤白瓜萸者。滑潤氣機  
之痺結於腹脇也。有藉乎玉壺控涎神保神芎者。視其  
凝滯於經隧也。有藉乎玉壺控涎神保神芎者。視其  
或輕或重之痰飲水積而驅之也。此皆未損夫臟氣  
而第在腑之上下膜之表裏者也。若有胃陽虛者。參  
苓必進。脾陽衰者。朮附必投。更有傷及乎腎者。則又  
需加減八味濟生等丸矣。其他如養陽明之大半夏  
湯。疎厥陰之逍遙散。蓋由證之牽連而及。是又案中

法外之法也已

姚亦陶